

摘藻堂四庫全書薈要

經部

欽定四庫全書叢要

經部

左傳注疏卷五十二

詳校官原任侍講臣王燕緒



欽定四庫全書薈要卷一千一百六十八

經部

春秋左傳注疏卷五十二

起昭公二十六年盡二十八年

晉杜氏注 唐陸德明音義 孔穎達疏

經三十有六年春王正月葬宋元公注三月而葬速

三月公至自齊居于鄆疏

正義曰往年公孫于齊齊侯唁公于野井公未必往至齊

都而云至自齊者得與齊侯相見雖從齊境而來亦是自齊也穀梁傳云公次于陽州其曰至自齊何也以齊侯之見公可以言至自齊是也公不得歸其國都而書至者賈云季氏示欲爲臣故以告廟

夏公圍成注成孟氏邑不書齊師帥賤衆少重在公音

義帥所  
類反

秋公會齊侯莒子邾子杞伯盟于鄆陵注鄆陵地闕音

義鄆音專又市轉反一音徒九反公至自會居于鄆注無傳

九月庚申楚子居卒注未同盟而赴以名

冬十月天王入于成周注傳言王入在子朝奔後經在

前者子朝來告晚疏正義曰二十三年七月天王居于狄泉自爾以來單子劉子夾以東

西雖不出王畿而居無定所此時始得入于成周遂以成周爲都來告故特書之案傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後

經書王入在前傳有告于諸侯之語故以爲王告入在前朝告奔在後故先書王入炫謂子朝出亦王告下注與此尹氏召伯毛伯以王子朝奔楚注召伯當言召氏

自違經誤也尹召族奔非一人故言氏書奔在王入下者王

入乃告諸侯疏

注正義曰傳言召伯盈逐王子朝朝及召氏之族奔楚召伯逆王于尸與王入

于成周則召氏族出奔召伯身不奔也知召伯當爲召氏經誤也宣十年崔氏出奔書崔氏者非其罪也此尹氏召氏立庶篡適竝爲有罪而亦書氏者彼實崔杼身奔非是舉族盡出但於例諸侯之卿出奔者有罪則名無罪則不名崔杼不合書名因其來告以族遂書崔氏示杼無罪也此尹氏召氏舉族悉奔據實而書與彼有異故注云尹召族奔非一人故言氏所謂文同而意異也子朝奔王乃得入書奔在王入下者王入乃告諸侯

也劉炫云杜上注云子朝來告晚何爲此注又云王入乃告諸侯以二注不同將爲杜失今知不然者杜意王入乃告謂王入之後子朝乃告杜以傳云癸酉王入于成周癸未王入于莊宮始云王子朝使告諸侯是王入之後子朝告諸侯也劉以爲王入乃告據王告諸侯而規杜失非也

傳二十六年春王正月庚申齊侯取鄆注前年已取

鄆至是乃發傳者爲公處鄆起疏

注正義曰杜謂往年已取鄆此又發

傳言齊侯取鄆者爲下三月公處鄆以發端也服虔以爲往年齊侯取鄆實圍鄆耳經於圍書取傳實其事故於是言取劉以服言爲是往年十二月庚辰圍鄆今年正月庚申取之凡三十一日例書取言易此圍乃取言易者齊侯取以居公臣無拒君之義若魯自與之然故書取以見其易穀梁曰以其爲公取之

故易言之是也

○葬宋元公如先君禮也注善宋人違命以

合禮○三月公至自齊處于鄆言魯地也注入魯竟

故書至猶在外故書地音義

境竟音

○夏齊侯將納公

命無受魯貨申豐從女賈注豐賈二人皆季氏家臣

音義

女音汝

以幣錦二兩注二丈爲一端二端爲一兩

所謂匹也二兩二匹縛一如瑱注瑱充耳縛卷也急

卷使如充耳易懷蔽音義

縛直轉反瑱它殿反易以鼓反

疏

注正義曰家語

云水至清則無魚人至察則無徒故人君冕而前旒所以蔽明黈纁塞耳所以蔽聽又詩云王之瑱也禮

以一條五采橫冕上兩頭下垂繫黃繅繅下又縣玉爲瑱以塞耳

適齊師謂子猶之

人高齮注齮子猶家臣子猶梁丘據音義

齮魚綺反

能貨

子猶爲高氏後粟五千庾注言若能爲我行貨於子

猶當爲請使得爲高氏後又當致粟五千庾庾十六

斗凡八千斛音義

庾羊主反能爲子僞反疏正義曰下當爲下云爲魯君同疏聘禮記

云十六斗曰簋十簋曰秉鄭玄云秉十六斛今江淮之間量名有爲簋者今文簋爲逾杜據儀禮今文故以庾爲十六斗五千庾凡八千斛考工記陶人爲庾實二穀厚半寸脣寸其下文旂人云豆實三而成穀則穀受斗二升庾實二穀則受二斗四升也彼陶人所作庾自瓦器今甕之類非量器也與此名同而實



異高齋以錦示子猶子猶欲之齋曰魯人買之百兩

一布以道之不通先入幣財注言魯人買此甚多布

陳之以百兩爲數子猶受之言於齊侯曰羣臣不盡

力于魯君者非不能事君也注欲行其說故先示欲

盡力納魯君音義

說如字又始銳反

然據有異焉注異猶怪

也宋元公爲魯君如晉卒於曲棘叔孫昭子求納其  
君無疾而死不知天之棄魯耶抑魯君有罪於鬼神  
故及此也君若待于曲棘使羣臣從魯君以卜焉注

卜知可伐否疏

正義曰宋公佐卒于曲棘者杜云曲棘宋地陳留外黃縣城中有曲棘里

今齊侯欲納魯君當是從齊向魯必不遠涉宋地子

猶令齊君待于曲棘必使止於竟內土地名齊地無

曲棘十年傳桓子名子山而反棘焉杜云齊國西安

縣東有戟里亭此即彼棘也本無曲字涉上卒于曲

棘誤加若可師有濟也君而繼之茲無敵矣若其無

曲耳

成君無辱焉齊侯從之使公子鉏帥師從公注鉏齊

大夫音義

鉏仕居反

成大夫公孫朝謂平子曰有都以衛

國也請我受師許之注以成邑禦齊師音義

朝如字

請

納質注恐見疑音義

質音致

弗許曰信女足矣告於齊

師曰孟氏魯之敝室也注做壞也音義

女音汝

用成已

甚弗能忍也請息肩于齊注公孫朝詐齊師言欲降

使來取成音義

降戶江反下同

齊師圍成成人伐齊師之飲

馬于溜者曰將以厭衆注以厭衆心不欲使知己降

也溜水出泰山梁父縣西北入汶音義

飲於鵠反溜側其反厭於

冉反又於葉反汶音問

魯成備而後告曰不勝衆注告齊言衆

不欲降已不能勝音義

勝音升注同又始證反

師及齊師戰于

炊鼻注季氏師拒公非公命則不書炊鼻魯地音義

炊昌  
垂反

齊子淵捷從洩聲子注聲子魯大夫音義

洩息  
列反

射之中楯瓦注瓦楯脊音義

射食亦反下及注皆同  
中丁仲反下中手同楯

常允反又音  
允脊子亦反  
繇胸汰轉七入者三寸注入楯瓦也胸

車輓轉車轅繇過也汰矢激七矢鏃也音義

繇音由  
胸其俱

反本又作輓同汰他達反輓陟留反七必履  
反輓於草反激古狄反鏃子木反或七木反  
之中楯瓦先言中之之處更說矢來之狀繇車輓矢  
激從車轅之上其矢之七鏃入著楯瓦者猶深三寸  
言其弓力多而矢入深也注正義曰此覆說中楯之  
事故知入者入楯瓦也說文云輓輓下曲者褰十四  
年傳稱射兩輓而還此與彼同蓋胸輓字通用耳繇  
卽由也訓爲從也從上而過故言繇過也宣四年傳

云伯勞射王汰翰注云汰過也此云汰矢激謂矢激汰其上而過也傳言匕入則匕是入楯者也今人猶謂箭鏃薄而長濶者爲匕是匕爲矢鏃也聲子射其馬斬鞅殪注殪死也

音義

鞅於丈反殪音於計反

改駕人以爲駸戾也而助之注人

魯人也駸戾叔孫氏司馬子車曰齊人也注子車即

淵捷將擊子車子車射之殪其御曰又之注又欲使

射餘人子車曰衆可懼也而不可怒也子囊帶從野

洩叱之注囊帶齊大夫野洩即聲子音義

叱昌實反

洩曰

軍無私怒報乃私也將亢子注欲以公戰禦之不欲

私報其叱音義

亢苦浪反下同

又叱之注子囊復叱之音義

復扶又反

下復欲反

亦叱之注野洩亦叱也言齊無戰心但相

叱冉豎射陳武子中手注冉豎季氏臣失弓而罵注

武子罵音義

罵馬嫁反

以告平子曰有君子白皙鬢鬚眉

甚口音義

皙星曆反

鬢本又作須脩于反

疏

正義曰說文云鬢稠髮也鬢鬚

眉者言鬢眉皆稠多也甚口者謂大口也

平子曰必子彊也無乃亢諸注

子彊武子字對曰謂之君子何敢亢之注僞言不敢

違季氏林雍羞爲顏鳴右下注皆魯人羞爲右故下

車戰苑何忌取其耳注何忌齊大夫不欲殺雍但截

其耳以辱之音義

苑於阮反

顏鳴去之注其右見獲懼而

去之苑子之御曰視下顧注復欲使苑子擊其足苑

子荆林雍斷其足鑿而乘於他車以歸注鑿一足行

音義

荆芳弗反說文云擊也又父勿反又忿勿反斷丁管反鑿遣政反又音磬又苦頂反字林丘貞

反

疏

正義曰說文云荆擊也字從刀以刀擊也今江南猶謂刀擊爲刺注正義曰既斷其足而云鑿

知鑿爲一足行也說文云鑿

金聲也蓋擊金爲聲亦名鑿

顏鳴三入齊師呼曰林

雍乘注言魯人皆致力于季氏不以私怨而相棄音

義

呼火故反  
乘繩證反

○四月單子如晉告急五月戊午劉人

敗王城之師于尸氏注劉人劉蚩之屬王城子朝之

徒尸在鞏縣西南偃師城戊辰王城人劉人戰于施

谷劉師敗績注施谷周地○秋盟于鄆陵謀納公也

注齊侯謀○七月己巳劉子以王出注師敗懼而出

疏

正義曰二十三年傳云六月庚寅單子劉子樊齊以王如劉蓋從劉而居狄泉自狄泉又居於劉今

爲子朝所逐蓋自劉而出也服虔云出成周也案二十三年天王居于狄泉狄泉雖近成周成周不屬

也其傳云召伯奭南宮極以成周人戌尹二十四年傳云王子朝用成周之寶珪于河是周常屬子朝之



驗也二十五年黃父之會趙簡子令諸侯之大夫云  
明年將納王納王者欲納之於成周耳若敬王先在  
成周無爲更須納之知此出者從劉庚午次于渠注  
出耳王既棄劉而去故王城人焚劉

渠周地王城人焚劉注燒劉子邑丙子王宿于褚氏

注洛陽縣南有褚氏亭音義

褚張呂反一  
音勅呂反

丁丑王次

于萑谷庚辰王入于胥靡辛巳王次于滑注萑谷胥

靡滑皆周地胥靡滑本鄭邑音義

萑音丸本又疏注  
作萑古亂反正

義曰王雖未有安居終亦不出畿內知此皆周地也  
襄十八年楚人伐鄭傳稱公子格率銳師侵費滑胥  
靡是本爲鄭邑  
今爲周邑也  
晉知躒趙鞅帥師納王使女寬守關

塞注女寬晉大夫關塞洛陽西南伊闕口也守之備

子朝音義

知音智蹠音厯女音汝本亦作汝塞素代反

○九月楚平王卒

令尹子常欲立子西注子西平王之長庶音義

長丁丈反

下文同

曰太子壬弱其母非適也注壬昭王也音義

適丁同

厯反下文同

王子建實聘之子西長而好善立長則順建

善則治王順國治可不務乎子西怒曰是亂國而惡

君王也注言王子建聘之是章君王之惡音義

好呼報反

治直吏反下同

國有外援不可瀆也注外援秦也瀆侵也音

義侵武  
諫反

王有適嗣不可亂也敗親速讎注不立壬秦

將來討是速讎也亂嗣不祥我受其名注受惡名賂

吾以天下吾滋不從也注滋益也音義

賂音路疏正義曰賂

吾以天下使吾爲天子吾益不從也

楚國何爲必殺令尹令尹懼乃立

昭王○冬十月丙申王起師于滑注起發也音義

滑于

反八辛丑在郊注郊子朝邑遂次于尸十一月辛酉晉

師克鞏注知蹤趙鞅之師召伯盈逐王子朝注伯盈

本黨子朝晉師克鞏知子朝不成更逐之而逆敬王

王子朝及召氏之族毛伯得尹氏固南宮嚚奉周之

典籍以奔楚注尹召二族皆奔故稱氏重見尹固名

者爲後還見殺音義

重見上直用反下賢遍反爲于偽反下且爲反

陰忌奔

莒以叛注陰忌子朝黨莒周邑召伯逆王于尸及劉

子單子盟注召伯新還故盟遂軍圉澤次于隄上注

圉澤隄上皆周地音義

圉魚呂反隄音低或音啼

癸酉王入于成

周注成周今洛陽甲戌盟于襄宮注襄王之廟晉師

使成公般戍周而還注般晉大夫音義

般音班

十二月

癸未王入于莊宮注莊宮在王城王子朝使告于諸

侯曰昔武王克殷成王靖四方康王息民竝建母弟

以蕃屏周亦曰吾無專享文武之功注不敢專故建

母弟音義

蕃方元反亦作藩

疏

正義曰諸家本皆然服虔王肅竝注云文王受命武王伐

紂故云文武克殷下句云吾無專享文武之功則合文武是也杜無注諸本悉作武王克殷疑誤也今定

本亦作武

王克殷且爲後人之迷敗傾覆而溺入于難則振

救之至于夷王王愆于厥身注夷王厲王父也愆惡

疾也音義

覆芳服反溺乃歷反難乃旦反愆起虔反

疏

正義曰謚法安民好靜曰夷

諸

侯莫不竝走其望以祈王身至于厲王王心戾虐萬

民弗忍居王于彘注不忍害王也厲王之末周人流

王于彘音義

彘直例反疏注正義曰周語云厲王虐國人

怒得衛巫使監謗者以告則殺之國莫敢言道路以目三年乃流王于彘劉炫案周本紀民相與叛襲厲王厲王出奔于彘周語又曰彘之亂宣王在召公之宮國人圍之召公知之乃以其子代宣王言代王則國人謂是宣王國語雖不言殺必殺之矣國人相與襲王王既奔免得王子而殺之若得厲王亦應不舍而杜云不忍害王未必然也當謂不忍者不能忍王之虐也今知不然者下云居王于彘是以禮居處厲王于彘又云諸侯釋位以間王政是憂念王政則不忍者是不忍害王也若其必欲殺王應云王奔于彘

劉以爲周語云周人欲殺王子召公以子代之則周人欲殺王子何肯不忍害王以爲不忍者不堪忍王惡案周語但云求王子不云求殺之是益橫周語之文而規杜過非也 諸侯釋位以間

王政注間猶與也去其位與治王之政事音義

間間廁之

間注同一音如疏注正義曰周本紀云彘之亂宣王字與音預下同 在召公之宮國人圍之召公以其子代太子太子竟得脫周召二公二相行政號曰共和元年是其釋位與治王政之事也 宣王有

志而後效官注宣王厲王子彘之亂宣王尚少召公

虎取而長之效授也音義

效戶教反少詩照反下文同長丁丈反下文同 疏

注正義曰周語云召公以其子代宣王宣王長而立之周本紀云共和十四年厲王死于彘太子靖長于

召公家二相乃共立之爲王是爲宣王是召公長之也共和之年官之政事皆決於二相宣王長而有志堪爲人主二相乃致其官政於王也效者致與之義故注云效授也至于幽王天不弔

周王昏不若用愆厥位注幽王宣王子若順也愆失

也攜王奸命諸侯替之而建王嗣用遷邾邠注攜王

幽王少子伯服也王嗣宜白也幽王后申姜生太子

宜白王幸褒姒生伯服欲立之而殺太子太子奔申

申伯與鄩及西戎伐周戰于戲幽王死諸侯廢伯服

而立宜曰是爲平王東遷邾邠音義

攜戶圭反奸音干下同替他計



反邦古洽反鄢音辱注正義曰鄭語稱夏之衰也  
鄢才陵反戲許宜反疏褒人之神化爲二龍以伺於

王庭而言曰余褒之二君也夏后卜殺之與去之與  
止之莫吉卜請其瘞而藏之吉乃布幣焉而策告之  
龍亡而瘞在櫝而藏之及歷殷周莫之發也及厲王  
之末發而觀之瘞流於庭不可除也王使婦人不幃  
而譟之化爲玄黿以入於王府之童妾未既齏而  
遭之既筭而孕當宣王而生不夫而育故懼而棄之  
時有童謡曰檠弘箕箒實亡周國於是宣王聞之乃  
有夫婦驚是器者王使執而戮之夫婦方戮逃在路  
哀其夜號也而取之以逸逃於褒褒人有獄而以入  
於王王遂置之而嬖是女使至於后而生伯服周語  
云幽王伐有褒褒人以褒姒女焉褒姒有寵生伯服  
於是乎與虢石父比逐太子宜臼而立伯服太子出  
奔申申人繒人召西戎以伐周周於是亡書傳多說  
其事此其本也詩序云幽王取申女以爲后後得褒

姒而黜申后周本紀云幽王太子母申侯女也而爲后王廢后并去太子用褒姒爲后以其子伯服爲太子申侯怒乃與繒西戎共殺幽王于驪山之下虜褒姒盡取周賂而去於是諸侯乃即申侯共立故幽王太子宜臼是爲平王東遷徙於洛邑辟戎寇也魯語云幽王滅于戲戲驪山之北水名也皇甫謐云今京兆新豐東二十里戲亭是也劉炫云如國語史記之文幽王止立伯服爲太子耳既虜褒姒必廢其子未立爲王而得呼爲攜王者或幽王死後褒姒之黨立之爲王也汲冢書紀年云平王奔西申而立伯盤以爲太子與幽王俱死于戲先是申侯魯侯及許文公立平王於申以本太子故稱天王幽王既死而虢公翰又立王子余臣於攜周二王竝立二十一年攜王爲晉文侯所殺以本非適故稱攜王東哲云案左傳攜王奸命舊說攜王爲伯服伯服古文作伯盤非攜王伯服立爲王積年諸侯始廢之而立平王其事成

然當則是兄弟之能用力於王室也至于惠王天不靖

周生頹禍心施于叔帶惠襄辟難越去王都注惠王

平王六世孫頹惠王庶叔也莊十九年作亂惠王適

鄭襄王惠王子叔帶襄王弟僖二十四年叔帶作難

襄王處汜音義

頹徒回反施以豉反難乃旦反注同汜音凡

疏注正義曰世本云平

王生桓王林林生莊王佗佗生僖王胡齊齊生惠王

涼是六代也惠王生襄王鄭鄭生頃王巨巨生匡王

班及定王瑜瑜生簡王夷夷生靈王泄則有晉鄭咸

心心生景王貴貴生悼王猛及敬王勾黜不端注黜去也晉文殺叔帶鄭厲殺子頹爲王室

去不端直之人音義

去起呂反下疏正義曰諸本咸同爲于偽反或作減王肅云

咸皆也傳咸爲七經詩其傳詩有此句王羲之寫亦作咸杜本當然

以綏定王家則是

兄弟之能率先王之命也在定王六年秦人降妖注

定王襄王孫定王六年魯宣八年音義

妖本又作詆於驕反說文

云衣服詩謠草木之怪謂之妖

曰周其有頤王亦克能脩其職諸侯

服享二世共職注二世謂靈景音義

頤子斯反共音恭

王室

其有間王位諸侯不圖而受其亂災注間王位謂子

朝也今子朝以爲王猛受亂災謂楚也今子朝以爲

晉音義

問問側之間注及下以問先王并注同

疏

正義曰降者自上而下之言當時秦人有

此妖語若似自上而下神馮之然故云降妖也然自受其亂災以上皆是妖語至于靈王以下是子朝演說妖言謂子猛當間王位耳服享言諸侯服從獻國之所有至于靈王生而有顓

注靈王定王孫王甚神聖無惡於諸侯靈王景王克

終其世注景王靈王子今王室亂單旗劉狄剝亂天

下壹行不若注單旗穆公也劉狄劉蚩也壹專也音

義

剝邦角反

謂先王何常之有注言先王無常法唯余心

所命其誰敢討之帥羣不弔之人注弔至也音義

弔如

字舊丁歷反注同

以行亂于王室侵欲無厭規求無度貫瀆

鬼神注貫習也瀆易也音義

厭本又作厭於鹽反貫古患反易以豉反

疏

正義曰俗本作規王王孫皆注云玩貪也元年傳曰翫歲而愒日杜云翫愒皆貪也則此言貪求無限度本或作規謬也慢棄刑法倍奸齊盟傲狠威儀矯誣先王晉

爲不道是攝是贊注攝持也贊佐也先王謂景王音

義

傲五報反狠戶懇反矯居表反

疏

正義曰倍即背也違背奸犯齊同之盟也案於時諸侯不有同

盟許立于朝單劉未嘗與朝結盟而復背之言單劉倍奸齊盟誣之注正義曰是攝言執持之使不傾危也是贊謂佐助之使得存立也故以攝為持贊爲佐也杜以先王為景王則矯誣先王者當謂矯景之命

立猛耳知先王非先世之王者以言矯誣是矯詐誣罔據其人有語矯誣之猶今矯稱詔勅若先世之王去此久遠不得有立猛之事子朝何得稱矯誣之乎又傳云干景之命故杜以先王謂景王劉炫以爲先世之王而規杜氏非也

思肆其罔極注肆放也茲不穀震盪播

越竄在荆蠻注茲此也此不穀子朝自謂音義

盪本又作

蕩徒黨反竄七亂反字林七舛反

未有攸底注底至也攸所也音義

底音音

若我一二兄弟甥舅獎順天法無助狡猾以從

先王之命毋速天罰赦圖不穀注赦其憂而圖其難

音義

獎將丈反狡古卯反猾又作疏正義曰速召也滑于八反毋音無難乃旦反子朝以單劉爲

亂從之必有天殃故  
勸諸侯無召天罰

則所願也敢盡布其腹心及先

王之經而諸侯實深圖之昔先王之命曰王后無適

則擇立長年鈞以德德鈞以下注此所謂先王之經

音義

適丁

疏

正義曰先王先世之王不斥一人蓋自

厯反

古以來共如此也襄三十一年傳曰公

薨立胡女敬歸之子子野子野卒立敬歸之娣齊歸  
之子稠穆叔曰太子死有母弟則立之無則立長年  
鈞擇賢義鈞則卜古之道也非適嗣何必娣之子彼  
言太子死立母弟則此言擇立長謂無母弟者也彼  
又云子野非適嗣何必娣之子然則適嗣立而死當  
立娣之子也姪與娣同蓋王后夫人無姪娣之子乃  
於諸妾之子擇立長耳年鈞擇賢與此年鈞以德皆  
謂母之貴賤等者公羊傳曰立適以長不以賢立子



以貴不以長明母貴則先立也此子朝之母必賤於  
猛母故專言立長之義不言母之貴賤何休難年鈞  
以德之言云人君所賢下必從之焉能使王不立愛  
也鄭玄答云周禮小司寇掌外朝之政以致萬民而  
詢焉其三曰詢立君其位王南鄉三公及州長百姓  
北面羣臣西面羣吏東面小司寇以叙進而問焉如  
此則大衆之口非君所能掩是王不得立愛之法也

王不立愛公卿無私古之

制也疏

正義曰三公六卿無得私附王之庶子而妄  
立之其意言單劉有私情違古制也何休難

云大夫不世功而并爲公卿通繼嗣左氏爲短鄭玄  
云公卿之世有大功德先王命所不絕者何難既非  
鄭答亦謬穆后及太子壽早夭即世注在十五年單劉贊

私立少以間先王注間錯先王之制亦唯伯仲叔季

圖之注伯仲叔季摠謂諸侯閔馬父聞子朝之辭曰

文辭以行禮也子朝干景之命遠晉之大以專其志

無禮甚矣文辭何爲注傳終王室亂音義

遠于萬反

○齊

有彗星注出齊之分野不書魯不見音義

彗似歲反又息遂反

分扶疏

注正義曰傳言齊有此星而齊侯使禳之明出齊之分野出於玄枵之次也彗即孛也文

問反十四年有星孛入于北斗十七年有星孛于大辰彼皆書此不書者時魯不見或陰不見

齊侯使

禳之注祭以禳除之音義

禳如羊反

晏子曰無益也祇取

誣焉注誣欺也音義

祇音支

天道不惱注惱疑也音義

怡本又作  
滔他乃反

不貳其命若之何禳之且天之有彗也以

除穢也君無穢德又何禳焉若德之穢禳之何損詩

曰惟此文王小心翼翼昭事上帝聿懷多福厥德不

回以受方國注詩大雅翼翼共也聿惟也回違也言

文王德不違天人故四方之國歸往之音義聿戶  
橘反疏

正義曰詩大雅大明之篇也惟此文王慎小其心翼翼然共慎也又能明事上天惟行上天之道思使自

得多福其德不有回邪以受受君無違德方國將至何

患於彗詩曰我無所監夏后及商用亂之故民卒流

亡注逸詩也言追監夏商之亡皆以亂故音義

夏戶雅反

注同若德回亂民將流亡祝史之爲無能補也公說乃

止齊侯與晏子坐于路寢公歎曰美哉室其誰有此

乎注景公自知德不能久有國故歎也音義

說音悅下注喜

說同晏子曰敢問何謂也公曰吾以爲在德對曰如君

之言其陳氏乎陳氏雖無大德而有施於民豆區釜

鍾之數其取之公也薄注謂以公量收音義

施式鼓反下出

者皆同區烏侯反量音亮下同

其施之民也厚注謂以私量貸音義

施如字又  
始豉反

公厚歛焉陳氏厚施焉民歸之矣詩曰雖

無德與女式歌且舞注詩小雅義取雖無大德要有

喜說之心欲歌舞之式用也音義

斂力驗反  
女音汝

疏正義  
曰詩

小雅車牽  
刺幽王也

陳氏之施民歌舞之矣後世若少情陳氏

而不亡則國其國也已音義

情徒卧反本  
亦作情同

公曰善哉

是可若何對曰唯禮可以已之在禮家施不及國疏

正義曰大夫稱家家之所施不得施及國人言國人是國君之所有大夫不得妄施遺之以樹已私惠陳氏施及國人  
是違禮也  
民不遷農不移工賈不變注守常業音

義

工賈音古本亦作商賈

士不濫注不失職官不滔注滔慢也

音義

滔吐刀反慢武諫反本亦作漫武半反

大夫不收公利注不作福

疏

正義曰尚書洪範曰惟辟作福惟辟作威臣無有作福作威臣之有作福作威其害于而家凶于而

國是言作福作威君之利也大夫不得自收公利自作福也陳氏作福以招國人之心施民作福是收公利也公曰善哉我不能矣吾今而後知禮之可以爲國

也對曰禮之可以爲國也久矣與天地並注有天地

則禮義興疏

正義曰天地人民莫知其始但人稟陰陽之氣生於天地之間天地既形人民

必育易序卦曰有天地然後有萬物有萬物然後有男女有男女然後有夫婦有夫婦然後有父子有父

子然後有君臣有君臣然後有上下有上下然後禮義有所錯是言有天地即有人民有人民即有父子君臣父子相愛君臣相敬敬愛爲禮之本是與天地並興君令臣恭父慈子孝兄

愛弟敬夫和妻柔姑慈婦聽禮也君令而不違臣共

而不貳父慈而教子孝而箴注箴諫也音義

共音恭下同箴

之林反

兄愛而友弟敬而順夫和而義妻柔而正姑慈

而從注從不自專婦聽而婉注婉順也音義

婉於阮反禮

之善物也公曰善哉寡人今而後聞此禮之上也對

曰先王所稟於天地以爲其民也是以先王上之注

稟受也疏

正義曰先古聖王所治理人民者爲受陰陽之氣生於天地之中以有上下之禮乃

可治其天下又禮與天地同貴是以先王上之

經二十有七年春公如齊注自鄆行音義

鄆音運

公至自

齊居于鄆

夏四月吳弑其君僚注僚亟戰民罷又伐楚喪故光乘

閒而動稱國以弑罪在僚音義

弑申志反注同僚力彫反亟欺冀反罷音皮

疏

注正義曰杜數僚之罪以示無道之驗僚以十六年即位十七年與楚戰于長岸二十三年伐州來敗楚

于雞父其年又使太子諸樊入即二十四年滅巢及鍾離此年又因楚喪而伐之是其亟戰民罷又伐楚喪故



光得乘間而動稱國以弑罪在僚也言舉國皆欲弑之非獨光之罪故不書光弑

楚殺其大夫卻宛注無極楚之讒人宛所明知而信近

之以取敗亡故書名罪宛音義殺死察反卻去逆反宛

於阮反又於元反近附

近之疏正義曰文七年宋殺其大夫傳曰不稱名非其近罪也死者無罪則不稱其名是稱名者皆爲有

罪矣此卻宛書名故杜跡其爲罪之狀書名所以罪宛也

秋晉士鞅宋樂祁犁衛北宮喜曹人邾人滕人會于扈

音義祁力兮反又力之反扈音戶

冬十月曹伯午卒注無傳未同盟而赴以名音義午音

五

邾快來奔注無傳快邾命卿也故書音義

快苦反疏注正義曰

邾是小國其臣見於經者甚少唯此與襄二十三年邾  
畀我來奔書者二人而已釋例曰魯之叔孫父兄再命  
而書於經晉之司空亞旅一命而經不書推此知諸侯  
大夫再命以上皆書於經自一命以下大夫及士經皆  
稱人名氏不得見此皆典策之正文也小國之卿或命  
而禮儀不備或未加命數故不書之邾畀我之等其奔  
亡亦多所書也數人而已知其合制者少杜言數人謂  
此快與畀我及曹公孫會也是言快是邾之命卿備於  
禮成爲卿故書也快不書  
氏蓋未賜族無可稱也

公如齊注自鄆行公至自齊居于鄆注無傳

傳二十七年春公如齊公至自齊處于鄆言在外也

注在外邑故書地○吳子欲因楚喪而伐之注前年

楚平王卒使公子掩餘公子燭庸帥師圍潛注二子

皆王僚母弟潛楚邑在廬江六縣西南音義

掩於檢反疏

注正義曰賈逵云然當是相傳說耳未必有正文也  
三十年傳此二公子奔楚楚子大封而定其邊子西  
諫曰吳光新得國若好吾邊疆使柔服焉猶懼其至  
吾又疆其讎以重怒之無乃不可乎謂此二子爲光  
之讎或當是僚母弟也

使延州來季子聘于上國注季子本封

延陵後復封州來故曰延州來音義

復扶又反疏正義曰服虔云

上國中國也蓋以吳辟在東南地勢卑下中國在其  
上流故謂中國爲上國也下云遂聘于晉則上國之

言不包晉矣當總謂宋衛陳鄭之徒爲上國耳亦不知其時聘幾國也經不書未必不至魯檀弓云延陵季子適齊於其反也其長子死葬於贏博之間鄭玄云魯昭二十七年吳公子札聘於上國是也如鄭之言此時或聘齊也注正義曰襄三十一年注云延州來季札邑此又分析之言本封延陵後復封州來故曰延州來成七年吳入州來注云楚邑淮南下蔡縣是也十三年吳滅州來二十三年傳云吳伐州來楚遂越救之則州來未爲吳有不可以封札也釋例土地名延州來闕則延陵州來並闕不知其處杜意當謂吳地別有州來非楚邑也鄭玄云季子讓國居延陵因號焉襄二十九年公羊傳曰季子去之延陵終身不入吳國然則季子雖則讓國猶尚仕爲吳卿非自竄於彼地吳世家云季札封于延陵故號曰延陵季子杜言封是也封

遂聘于晉以觀諸侯注觀疆弱

謂賜之爲采邑耳

楚莠尹然工尹麋帥師救潛注二尹楚官然麋其名

音義

莠由九反麋九倫反

疏

注正義曰楚官多以尹爲名知二尹是官名耳其莠王之義不可知

也服虔云王尹主宮內之政莠不可解王未必然定本王作工

左司馬沈尹戌帥都

君子與王馬之屬以濟師注都君子在都邑之士有

復除者王馬之屬王之養馬官屬校人也濟益也音

義

戌音恤復音福校胡孝反

疏

注正義曰都謂國都在都君子明是在都邑之士也都邑之士以君

子爲號故知是有復除者謂優復其身除其徭役賈逵云然今之律令猶名放課役者爲復除是漢世以來有此言也此人或別有功勞或曲蒙恩澤平常免其徭役事急乃使之耳周禮校人掌養馬知王馬之

屬是王之養馬之官屬也校人職云凡頒良馬而養乘之乘馬一師四圉三乘爲阜阜一趣馬三阜爲繫繫一馭夫六繫爲廐廐一僕夫六廐成校校有左右駕馬三良馬之數麗馬一圉八麗一師八師一趣馬八趣馬一馭夫諸侯六閑養馬之人多矣此唯養馬不給餘役今亦事急而徵使之與吳師遇

於窮令尹子常以舟師及沙汭而還注沙水名音義

汭如疏正義曰窮土地名窮闕也本或窮下有谷字銳反疏者爲定七年傳敗尹氏于窮谷涉彼而誤耳

左尹卻宛工尹壽帥師至于潛吳師不能退注楚師

彊故吳不得退去吳公子光曰此時也弗可失也注

欲因其師徒在外國不堪役以弑王音義

弑申志反下文同

告鱄設諸曰上國有言曰不索何獲我王嗣也吾欲

求之注光吳王諸樊子也故曰我王嗣音義

鱄音專上國賈

云上國與中國同服云  
上古國也索所白反

疏

正義曰賈逵云上國中國也服虔云上國謂上古之

國賢士所言也此猶如上文聘于上國則賈言是也  
注正義曰吳世家云吳王壽夢有子四人長曰諸樊  
次曰餘祭次曰餘昧次曰季札季札賢而壽夢欲立  
之季札讓不可乃立諸樊諸樊卒有命授弟餘祭欲  
傳以次必致國於札兄弟皆欲致國令以漸至焉餘  
祭卒弟餘昧立餘昧卒欲授季札札讓逃去於是吳  
人曰先王有命必致季子今逃位則餘昧後立今卒  
其子當代乃立餘昧之子僚爲王公子光者王諸樊  
之子也常以爲吾父兄弟四人當傳至季子季子不  
受光父先立若既不傳季子光當立遂殺王僚光代

立爲王是史記以光爲諸樊之子僚爲夷昧之子也  
襄二十九年公羊傳曰謂也餘祭也夷昧也與季子  
同母者四季子弱而才兄弟皆愛之同欲立之以爲  
君弟兄迭爲君而致國乎季子故謂也死餘祭也立  
餘祭也死夷昧也立夷昧也死則國宜之季子者也  
季子使而亡焉僚者長庶也即之闔閭曰將從先君  
之命與則國宜之季子者也如不從先君之命與則  
我宜立者也僚惡得爲君乎於是使專諸刺僚世本  
云夷昧及僚夷昧生光服虔云夷昧生光而廢之僚  
者夷昧之庶兄夷昧卒僚代立故光曰我王嗣也是  
用公羊爲說也杜言光吳王諸樊子用史記爲說也  
班固云司馬遷采世本爲史記而今之世本與遷言  
不同世本多誤不足依憑故杜以史記爲  
正也光言王嗣者言已是世適之長孫也

事若克季

子雖至不吾廢也注至謂聘還鮒設諸曰王可弑也



母老子弱是無若我何注猶言我無若是何欲以老

弱託光疏

注正義曰古人言有顛倒故杜以為是無若我何猶言我無若是何恐已死之後不

能存立欲以老弱託光也彭仲博云當言是無我若何我母無我當如何我字當在若上

光曰我

爾身也注言我身猶爾身夏四月光伏甲於堀室而

享王注掘地爲室音義

堀本又作窟同苦忽反掘其勿反又其月反

王使

甲坐於道及其門注坐道邊至光門門階戶席皆王

親也夾之以鉞羞者獻體改服於門外注羞進食也

獻體鮮衣音義

夾古洽反又古協反下同鉞普皮反說文云劒也

疏正義曰言從門

至階從階至戶從戶至席皆是王之親執羞者坐行兵也說文云鉞劔也則鉞是劔之別名

而入注坐行膝行執鉞者夾承之注承執羞者及體

以相授也注鉞及進羞者體以所食授王疏

正義曰鉞之鋒

刃及進羞者體也王之左右必更有人受羞以進王故言相授也雖則相授進羞者得至王所

光僞

足疾入于堀室注恐難作王黨殺已素辟之音義

難

旦鱖設諸寘劔於魚中以進注全魚炙音義

寘之豉反炙章

夜疏注正義曰吳世家云鱖諸置匕首於炙魚之中反疏以進食手匕首刺王僚匕首者劔首如匕匙手

匕首謂執匕首也

抽劔刺王鉞交於胃注交鱖諸胃音義

抽

留反刺遂弑王闔廬以其子爲卿注闔廬光也以鮪

諸子爲卿音義闔戶臘反季子至曰苟先君無廢祀民人

無廢主社稷有奉國家無傾乃吾君也吾誰敢怨哀死事生以待天命非我生亂立者從之先人之道也

注吳自諸樊以下兄弟相傳而不立適是亂由先人

起也季子自知力不能討光故云爾音義傳直專反適丁歷反

復命哭墓注復使命於僚墓音義使所吏反復位而待注

復本位待光命吳公子掩餘奔徐公子燭庸奔鍾吾

注鍾吾小國楚師聞吳亂而還注言聞吳亂明卻宛

不取賂而還○卻宛直而和國人說之注以直事君

以和接類音義

說音悅

鄢將師爲右領注右領官名音

義

鄢於晚反又烏戶反

與費無極比而惡之注惡卻宛音義

扶費

味

反比毗志反

惡烏路反注同令尹子常賄而信讒無極譖卻宛焉

謂子常曰子惡欲飲子酒注子惡卻宛音義

賄乎罪反譖側

鵠

反飲於鵠反

又謂子惡令尹欲飲酒於子氏子惡曰我賤

人也不足以辱令尹令尹將必來辱爲惠已甚吾無

以酬之若何注酬報獻無極曰令尹好甲兵子出之

吾擇焉注擇取以進子常音義

好呼報反

取五甲五兵曰

寘諸門令尹至必觀之而從以酬之注曰無極辭疏

正義曰周禮司右云凡國之勇力之士能用五兵者屬焉鄭引司馬法曰弓矢圍殳矛守戈戟助凡五兵長以衛短短以救長然則弓矢殳矛戈戟五者皆名爲兵此云五兵當是一種器耳不知取何兵也服虔云兵及饗日帷諸門左注張帷陳甲兵其中無極謂戰也

令尹曰吾幾禍子子惡將爲子不利甲在門矣子必

無往且此役也注此春救潛之役音義

幾音祈

吳可以

得志子惡取賂焉而還又誤羣帥使退其師曰乘亂  
不祥吳乘我喪我乘其亂不亦可乎令尹使視卻宛  
則有甲焉不往召鄢將師而告之注告子惡門有甲

兵將害已將師退遂令攻卻氏且蕪之注蕪燒也音

義蕪如悅反子惡聞之遂自殺也國人弗蕪令曰不蕪卻

氏與之同罪或取一編管焉或取一秉秆焉注編管

苦也秉把也秆橐也音義編必然反又必千反管古

莖也或古旦反苦式占反李巡云編管疏注正義曰

茅以覆屋曰苦把必馬反橐古老反釋草云白

華野管郭璞曰管茅屬釋器云白蓋謂之苦李巡曰  
編管以覆屋曰苦郭璞云白茅苦也是編管爲苦也  
秉把詩毛傳文也說文云秆禾莖也是爲橐  
也或取一片苦或取一把橐言民不肯燒之

國人投

之遂弗熱也令尹炮之注炮燔卻宛

音義

炮陟交反又彭交反

燔音

疏

正義曰國人投之謂投管秆於地故遂不燒

煩

也

令尹炮之一句是鄢將師令衆之辭服虔

云民弗肯熱也鄢將師稱令尹使女燔炮之燔炮熱皆是燒也

盡滅卻氏之族黨殺

陽令終與其弟完及佗注令終陽勾子音義

佗徒何反勾古

害與晉陳及其子弟注晉陳楚大夫皆卻氏之黨晉

陳之族呼於國曰鄢氏費氏自以爲王專禍楚國弱

寡王室蒙王與令尹以自利也注蒙欺也音義

呼火故反

令尹盡信之矣國將如何令尹病之注爲下殺無極

張本○秋會于扈令戍周且謀納公也宋衛皆利納

公固請之范獻子取貨於季孫謂司城子梁與北宮

貞子注子梁宋樂祁也貞子衛北宮喜曰季孫未知

其罪而君伐之請囚請亡於是乎不獲君又弗克而

自出也夫豈無備而能出君乎季氏之復天救之也

注復猶安也休公徒之怒注休息也而啓叔孫氏之



心不然豈其伐人而說甲執冰以游叔孫氏懼禍之

濫而自同於季氏天之道也音義

說他正義曰言活反季氏無罪

而公濫討之叔孫氏亦懼禍濫及於已而自同心於季氏俱叛公此乃天之常道也

魯君守齊

三年而無成季氏甚得其民淮夷與之注淮夷魯東

夷有十年之備有齊楚之援注公雖在齊言齊不致

力有天之贊有民之助有堅守之心有列國之權而

弗敢宣也注宣用也音義

守手又反

事君如在國注書公

行告公至是也故鞅以爲難二子皆圖國者也而欲

納魯君鞅之願也請從二子以圍魯無成死之二子

懼皆辭乃辭小國而以難復注以難納白晉君○孟

懿子陽虎伐鄆注陽虎季氏家臣伐鄆欲奪公疏正義

曰伐鄆欲奪公鄆使公不得居也不書者鄆人將戰

伐公逆事不可以告廟國史無由得書

子家子曰天命不惱久矣注惱疑也言棄君不疑音

義惱他使君亡者必此衆也注言君據鄆衆以與魯

戰必敗之天既禍之而自福也不亦難乎猶有鬼神

此必敗也疏正義曰言尚有鬼神以助君嗚呼爲無

此戰必當敗也况無鬼神乎

望也夫其死於此乎公使子家子如晉公徒敗于且

知注且知近鄆地也音義

夫音扶且子餘反近附近之近

○楚郤宛

之難國言未已進胙者莫不謗令尹注進胙國中祭

祀也謗詛也音義

難乃旦反年末同胙才故反詛側慮反

沈尹戌言於

子常曰夫左尹與中廐尹莫知其罪而子殺之以興

謗讟至于今不已注左尹卻宛也中廐尹陽令終音

義

廐九又反  
謗音獨

戌也惑之仁者殺人以掩謗猶弗爲也

今吾子殺人以興謗而弗圖不亦異乎夫無極楚之

讓人也民莫不知去朝吳注在十五年音義

去起呂反朝如

字下朝

夕同 出蔡侯朱注在二十一年喪太子建殺連尹

奢注在二十年音義

喪息浪反

屏王之耳目使不聰明不

然平王之溫惠共儉有過成莊無不及焉所以不獲

諸侯邇無極也注邇近也音義

近附近之近

今又殺三不

辜以興大謗注三不辜郤氏陽氏晉陳氏幾及子矣

子而不圖將焉用之夫馭將師矯子之命以滅三族

國之良也而不愆位注在位無愆過音義

幾音祁又音機焉於

虔反矯居表疏正義曰令尹召鄢將師告之以卻宛反懲起虔反門有甲耳不令攻卻宛也鄢將師退而令衆使攻之是矯令尹命也吳新有君注光新立也疆場日駭楚

國若有大事子其危哉知者除讒以自安也今子愛讒以自危也甚矣其惑也子常曰是瓦之罪敢不良圖九月己未子常殺費無極與鄢將師盡滅其族以

說于國謗言乃止音義

疆居良反場音亦知音智

○冬公如齊齊

侯請饗之注設饗禮子家子曰朝夕立於其朝又何饗焉其飲酒也乃飲酒使宰獻而請安注比公於大

夫也禮君不敵臣宴大夫使宰爲主獻獻爵也請安

齊侯請自安不在坐也音義

坐才疏正義曰禮爲諸

待之有享食燕三禮享爲大鄭玄云享謂享大牢以

飲賓是爲禮之大者子家以公雖居鄆以齊爲主此

年已再如齊數相見不爲賓客故言朝夕立於其朝

又何須設饗禮焉其飲酒也勸其用宴禮而飲酒耳

注正義曰燕禮者公燕大夫之禮也公雖親在而別

有主人鄭玄云主人宰夫也宰夫大宰之屬掌賓客

之獻飲食者也君於其臣雖爲賓不親獻以其尊莫

敢伉禮也今齊侯與公飲酒而使宰獻是比公於大

夫也獻獻爵者禮有三酌獻也酬也酢也獻酬是主

人獻賓唯酢是賓答主人耳禮君不敵臣宴大夫使

宰爲主即燕禮是其事也杜以宰獻而請安爲齊侯

請自安於別室不在坐也劉炫云案燕禮司正洗角

解南面坐奠於中庭升東楹之東受命西階上北面  
命卿大夫君曰以我安卿大夫皆對曰諾敢不安彼  
是請賓使自安當如彼使宰請魯侯自安耳主人請  
安謂主人使司正請安于賓服虔亦然杜今云齊侯  
請自安非也今知不然者案鄉飲酒禮賓主相敵主  
人亦請安于賓然則齊侯與公敵禮安賓乃是常事  
何須傳載其文以爲卑公之義明是齊侯請欲自安  
不在其坐明慢公之甚劉不審思此理用燕禮請安  
之義而規  
杜非也  
子仲之子曰重爲齊侯夫人曰請使重見

注子仲魯公子慙也十二年謀逐季氏不能而奔齊

今行飲酒禮而欲使重見從宴媒也音義

曰重直勇反又直恭

反見賢遍反注同慙  
魚覲反媒息列反

子家子乃以君出注辟齊夫人

○十二月晉籍秦致諸侯之戍于周魯人辭以難注  
經所以不書戍周籍秦籍談子

經二十有八年春王三月葬曹悼公注無傳六月而葬  
緩

公如晉次于乾侯注乾侯在魏郡斥丘縣晉竟内邑音

義

斥音尺一音昌夜  
反竟音境傳同

夏四月丙戌鄭伯寧卒注無傳未同盟而赴以名

六月葬鄭定公注無傳三月而葬速



秋七月癸巳滕子寧卒注無傳未同盟而赴以名

冬葬滕悼公注無傳

傳二十八年春公如晉將如乾侯注齊侯卑公故適

晉子家子曰有求於人而即其安人孰矜之其造於

竟注欲使次于竟以待命音義造七報反弗聽使請逆於

晉晉人曰天禍魯國君淹恤在外君亦不使一个辱

在寡人注一个单使音義个古賀反注同而即安於

单使所吏反

甥舅其亦使逆君注言自使齊逆君使公復于竟而

後逆之注逆著乾侯也言公不能用于家所以見辱

音義

著中略反一音直略反

○晉祁勝與鄔臧通室注二子祁

盈家臣也通室易妻音義

祁巨支反字林云太原縣上尸反鄔舊音烏戶反又

音偃案地名在周者烏戶反隱十一年王取鄔留是也在鄭者音偃成十六年戰于鄔陵是也在楚者於建反又音偃昭十三年王汭夏將入鄔是也在晉者於庶反字林云祛反郭璞三倉解詁音廢於庶反闕駟音厭飲之飲重言之太原有鄔縣唯周地者從鄔餘皆從馬字林亦作鄔音同傳云分祁氏之田以為七縣司馬彌年爲鄔大夫即太原縣也鄔臧宜以邑爲氏於爰反舊音誤

祁盈將執之注

盈祁午之子訪於司馬叔游注叔游司馬叔侯之子

叔游曰鄭書有之惡直醜正實蕃有徒注鄭書古書

名也言害正直者實多徒衆音義

惡如字又烏路反蕃音煩

疏正義

曰以直爲惡以正爲醜惡直事醜正道如此人者實蕃多有徒衆言時世慕善者少從惡者多

無道

立矣子懼不免注言世亂讒勝詩曰民之多辟無自

立辟注詩大雅音義

多辟本又作僻匹亦反立辟婢亦反

疏

正義曰詩大雅板之

篇刺厲王之詩辟邪也辟法也民之多有邪辟者於此之時無自謂所立者爲法是言無道之世法不可

爲古辟辟字

姑已若何注姑且也已止也盈曰祁氏

同音異耳

私有討國何有焉注言討家臣無與國事音義

無與音預

遂執之祁勝賂荀躒爲之言於晉侯晉侯執祁盈注

以其專戮音義

爲于偽反

祁盈之臣曰鈞將皆死注鈞同

也疏

正義曰鈞同也殺勝與臧盈亦死不殺盈亦死同將皆死不如殺之使盈聞而快意

慙使

吾君聞勝與臧之死也以為快注慙發語之音音義

慙魚覲反

乃殺之夏六月晉殺祁盈及楊食我注楊叔向

邑食我叔向子伯石也音義

食音嗣向許丈反

食我祁盈之

黨也而助亂故殺之遂臧祁氏羊舌氏初叔向欲娶

於申公巫臣氏注夏姬女也音義

娶七主反夏戶雅反注同

其母

欲娶其黨叔向曰吾母多而庶鮮吾懲舅氏矣注言

父多妾媵而庶子鮮少嫌母氏性不曠音義

鮮息淺反注同

懲直升反媵繩

正義曰言父多妾媵而謂之母多證反又時證反

謂父妾爲母耳

其母曰子靈之妻殺三夫注子靈巫臣妻夏

姬也三夫陳御叔楚衰老及巫臣也時巫臣已死疏

正義曰三夫皆自命盡而死其死不由夏姬而云殺三夫者婦之配夫欲其偕老其夫數死是妻之薄相

故以爲夏姬之咎

一君注陳靈公一子注夏徵舒而亡一國

注陳也兩卿矣注孔寧儀行父疏

正義曰一君一子蒙上殺文兩卿亦

蒙上文也以兩卿棄位出奔身不死  
故爲亡也此事皆宣十年十一年傳

可無懲乎吾聞

之甚美必有甚惡是鄭穆少妃姚子之子子貉之妹

也注子貉鄭靈公夷音義

少詩照反  
貉亡白反

疏

正義曰物忌  
大盛善不可

常暑往寒來晝明夜暗孰能爲此者天地天地尚不  
能常況人乎故甚美必有甚惡也甚美謂夏姬之身  
甚惡當在其後言其種子貉早死無後而天鍾美於  
盾當惡故禁其子取之

是注是夏姬也鍾聚也子貉死在宣四年疏

正義曰  
此因鄭

靈早夭而夏姬美推之爲此言耳不是兄早死而妹  
必美也猶今俗語云衰家女未必慧慧家女未必衰

將必以是大有敗也疏

正義曰夏姬淫慝喪國滅家  
叔向之母猶謂未得大敗故

言將必以是大有敗也十四年傳稱施刑侯者或是夏姬之男比殺楊食我又是夏姬之外孫其種類蓋盡矣昔有仍氏生女黥黑注有仍古諸侯也美髮爲黥

音義

黥之忍反說文作黔又作髻云稠髮也

疏

正義曰黥即髻也詩云

髮也如雲言美長也說文云髻稠髮也然則髻者髮多長而黑美之貌也此傳黥下有黑則黥文不兼於黑故賈杜皆云美髮爲黥而甚美光可以鑑注髮膚光色可以照

人音義

鑑古暫反鏡也疏

注正義曰傳於黥黑甚美之下乃云光可以鑑知髮與肌膚二者光

色皆可

名曰玄妻注以髮黑故樂正后夔取之注夔

舜典樂之君長音義

夔求龜反取如

疏

注正義曰尚

曰夔命汝典樂教胄子是夔爲舜之典樂官也正長也后君也故云典樂之君長王朝公卿故以后言之猶謂爲生伯封實有豕心貪惓無饜忿類無期謂之后稷

封豕注類戾也封大也音義

長丁丈反惓力耿反方言云楚人謂貪爲惓饜

亦作厭於鹽反類本又

疏

正義曰豕心言其心似猪貪而無恥也方言云晉魏

作類立對反服作類

河內之北謂惓爲殘楚謂之貪則惓亦貪也賈逵云

惓者食也其人貪者財利飲食無知饜足忿怒狼戾

無有期度時人謂之大猪注正義曰以類忿共文則

類亦似忿故以爲戾言狼戾也定四年傳封豕與長

蛇相對知封爲大也服虔云忿怒其類以饜其私無期度也

有窮后羿滅之夔是

以不祀注羿篡夏后者音義

羿音藝篡初患反

且三代之亡



共子之廢皆是物也注夏以妹喜殷以妲己周以褒

姁三代所由亡也共子晉申生以驪姬廢音義恭本

恭本

亦作恭妹喜本或作嬉音同國語云桀伐有施有施氏以妹喜女焉韋昭注漢書云嬉姓也妲己丁達反下音紀國語云有蘇氏之女也韋昭云己姓也褒如音似寵所生褒人所養者也毛詩云如姓也鄭箋云如字也驪姬本又作麗同力知反獻公伐驪戎所得而以爲夫人穀梁傳云滅鄆所得莊子云艾封人之疏注正義曰晉語云史蘇曰昔夏桀伐有施氏有子施氏以妹嬉女焉妹嬉有寵於是與伊尹比而亡夏殷辛伐有蘇氏有蘇以妲己女焉妲己有寵於是與膠鬲比而亡殷周幽王伐有褒有褒人以褒如女焉褒如有寵生伯服於是與虢石甫比逐太子宜咎而立伯服太子奔申中人繒人召西戎以伐周周

於是乎亡是三代所由亡之事也共子之事具見於傳

女何以爲哉夫有尤物

足以移人苟非德義則必有禍注尤異也音義

女音汝

疏

正義曰苟誠也誠不以德義自持則必有禍

叔向懼不敢取平公強使

取之生伯石伯石始生子容之母走謁諸姑注子容

母叔向嫂伯華妻也姑叔向母音義

敢取七住反又如字強其丈反

嫂素早反兄妻也依字宜如此

曰長叔姒生男注兄弟之妻相謂姒

音義

長丁疏注正義曰相謂者幼者謂長爲姒也子丈反容是伯華之子其兄弟伯華最長叔向

次之其餘諸弟皆小於叔向也故謂叔向爲長叔叔向之妻其年長於子容之母故稱長叔姒也釋親云

女子同出謂先生爲姒後生爲娣孫炎曰同出俱嫁  
事一夫也公羊傳曰娣者何弟也此其義也是言其  
事一夫者長爲姒幼爲娣自以身之長幼生娣姒之  
名其娣姒之名不由夫之長幼也釋親又云長婦謂  
稚婦爲娣婦娣婦謂長婦爲姒婦自以身之長稚相  
謂也喪服小功章云娣姒婦報傳曰娣姒婦者弟長  
也傳言弟長者雙訓娣姒言娣是弟姒是長也鄭玄  
云娣姒者兄弟之妻相名也長婦謂稚婦爲娣婦娣  
婦謂長婦爲姒婦亦取爾雅之文以  
解弟長之義是以身之長幼明矣

姑視之及堂聞

其聲而還曰是豺狼之聲也狼子野心非是莫喪羊

舌氏矣遂弗視音義

豺本作豺同仕  
皆反喪息浪反

○秋晉韓宣子

卒魏獻子爲政注獻子魏舒分祁氏之田以爲七縣

注七縣鄆祁平陵梗陽塗水馬首孟也音義

梗古杏反孟音

于下文同

分羊舌氏之田以爲三縣注銅鞮平陽楊氏音

義

鞮丁兮反

司馬彌牟爲鄆大夫注太原鄆縣賈辛爲祁

大夫注太原祁縣司馬烏爲平陵大夫魏戊爲梗陽

大夫注戊魏舒庶子梗陽在太原晉陽縣南音義

戊音

茂

知徐吾爲塗水大夫注徐吾知盈孫塗水太原榆

次縣音義

知音智次資利反又如字

韓固爲馬首大夫注固韓起

孫孟丙爲孟大夫注太原孟縣樂霄爲銅鞮大夫注

上黨銅鞮縣趙朝爲平陽大夫注朝趙勝曾孫平陽

平陽縣音義

朝如

僚安爲楊氏大夫注平陽楊氏縣

疏

正義曰此祁氏與羊舌氏之田舊是私家采邑二族既滅其田歸公分爲十縣爲公邑故選置大夫

也傳

云先祁後羊舌故依下文選置大夫之次上七

縣爲祁氏之田下三縣爲羊舌氏之田且五年傳謂

伯石爲楊石明楊氏是羊舌之田也家語與史記皆

謂羊舌赤爲銅鞮伯華是銅鞮亦羊舌邑也平陽之

次在銅鞮楊氏之謂賈辛司馬烏爲有力於王室注

間知亦羊舌邑也

二十二年辛烏帥帥納敬王疏

注正義曰二十二年傳曰晉籍談荀躒賈

辛司馬督帥師軍于陰于侯氏于谿泉次于社賈辛軍谿泉司馬督次于社督即烏也此衆軍竝爲伐子

朝欲納敬王

故舉之謂知徐吾趙朝韓固魏戊餘子之不

失職能守業者也注卿之庶子爲餘子疏

注正義曰宣二年傳

云宦卿之適以爲公族又官其餘子亦爲餘子其庶子爲公行注云餘子適子之母弟也庶子妾子也彼適庶分爲三等故餘子與庶子爲異此無所對故總謂庶子爲餘子也此四人之內當有妻生妾生者也知徐吾韓固是卿之孫也趙朝卿之曾孫也而竝稱餘子者言其父祖是餘子就餘子子孫之內選其賢者而用之此四人不失常其四人者皆受縣而後見職能守其父祖之業也

於魏子以賢舉也注四人司馬彌牟孟丙樂霄僚安

也受縣而後見言采衆而舉不以私也音義

見賢遍反注及

下見魏子並同魏子謂成鮪注鮪晉大夫音義鮪音郭又市轉反又音附

吾與戊也縣人其以我爲黨乎對曰何也戊之爲人

也遠不忘君注遠疏遠也近不偪同注不偪同位音

義偏彼力反居利思義注不苟得在約思純注無濫心有

守心而無滯行雖與之縣不亦可乎音義行下孟反疏正

曰遠不忘君言職雖疏遠而心在公室常忠敬也近不偪同言親近有寵不偪迫同位常謙共也居利思義臨財不苟得思義可取乃取之也在約思純處貧賈而思純固無叨濫之心也有守善之心而無滯邪之行雖則親子而昔武王克商光有天下注光大也與之縣不亦可乎

其兄弟之國者十有五人姬姓之國者四十人皆舉

親也夫舉無他唯善所在親疏一也疏

正義曰由武王克商得封

建諸國歸功於武王耳此十五國或有在後封者非武王之時盡得封也尚書康誥之篇周公營洛之年始封康叔于衛洛誥之篇周公致政之年始封伯禽于魯明知武王之時兄弟未盡封也僖二十四年傳稱周公弔二叔之不咸故封建親戚以藩屏周亦以周公為制禮之主故歸功於周公耳非盡周公封也九年傳曰文武成康之封建母弟則康王之世尚有封國宣王方始封鄭非獨武王周公封諸國也僖二十四年傳數文之昭也有十六國此言武王兄弟之國十五人者人異故說異耳非武王封十五周公始加一也以魯衛驗之知  
詩曰唯此文王帝度其心莫周公所加非唯一耳



其德音其德克明克明克類克長克君王此大國克  
順克比比于文王其德靡悔既受帝祉施于孫子注

詩大雅美文王能王大國受天福施及子孫音義

唯此

文王詩作唯此王季度待洛反下及注同莫亡白反  
又如字爾雅云貊莫安定也下及注同長丁文反下  
及注同王此于况反注能王疏正義曰詩大雅皇矣  
同祉音恥施以鼓反注同疏之篇美文王之德也  
唯此文王之身為天帝所佑天帝開度其心令其有  
揆度之慧所度前事莫不皆得其中也又使之莫然  
安靜其德教之善音施之於人則皆應和之也又能  
有監昭在下之明又能有勤施無私之善又能教誨  
不俸有爲人師長之德又能賞善刑惡有爲人君上  
之度既有人君之德故爲人君王此周之大邦也其

施教令能使國人徧服而順之既爲國人順服又能  
擇人之善者比方其善乃從而用之以此文王之德  
比于上世有能經緯天地文德之王如堯舜之輩其  
此詩人稱比較于文王之九德其德皆是無爲人所  
悔吝者言文王之德堪比或以爲比于前世文德之  
王義亦通也以此之故既受天之祔福施及于後世  
之子孫得使長王天下也此章文次如此者德皆天  
之所授故先言帝度其心明以下皆蒙帝文也德由  
心起故先言心能度物也心既能度然後能施爲政  
教故次莫其德音言變政教清靜也爲君所以施政  
故先言政教清靜乃論身內之德故次能明能善其  
明與善還是德音之事施之于人有照臨之明勤苑  
之善耳心能施而無私乃可爲人君長故次克長克  
君長即師也學記曰能爲師然後能爲長能爲長然  
後能爲君故先長後君也既言堪爲人君即說爲君  
之事故言王此大邦也既爲大邦之君能使國人順

服故次克順也民既順服又須擇善用之故次克比也  
比于文王其德無可恨故言受天之福澤流後世以結之  
此傳言唯此文王毛詩作維此王季經涉亂離師有異讀  
後人因而兩存不敢追改今王肅注毛詩及韓詩亦作唯  
此文王鄭注毛詩作維此王季故解比于文王言王季之德  
可以比于文王也劉炫云此作唯此文王不可以文王之德  
還自比文王故知比于文王可以比于上代文德之王也

心能

制義曰度注帝度其心疏

正義曰心能制斷時事使合於義是爲善揆度也言

預度未來之事皆得中也

德正應和曰莫注莫然清靜音義

應應對之

應和如字

疏

正義曰毛詩莫作貊樂記引此詩亦作莫胡貊反莫釋詁云貊嘆安定也郭璞云皆靜定

毛傳云貊靜也其德既正為政清靜故有所施為民皆應和易繫辭曰君子居其室出其言善則千里之

外應之即此義也莫是清靜之意故杜云莫然清靜照臨四方曰明勤施無私

曰類注施而無私物得其所無失類也音義

施式鼓反注及

同疏

注正義曰勤行施惠情無偏私物皆得所是無失類也鄭玄云類善也無失類者不失善之類

也教誨不倦曰長注教誨長人之道賞慶刑威曰君

注作威作福君之職也疏

正義曰人君執賞罰之柄以賞慶人以刑威物是為

君之道

慈和徧服曰順注唯順故天下徧服音義

徧音遍注

同疏

正義曰人君執慈心以惠下用和善以接物則天下徧服而順從之故為順也易繫辭云天之

所助者順故杜云唯順故天下徧服

擇善而從之曰比注比方善事使

相從也經緯天地曰文注經緯相錯故織成文疏

正義

曰易稱聖人先天而天弗違後天而奉天時言德能順天隨天所為如經緯相錯織成文章故爲文也

九德不愆作事無悔注九德上九曰也皆無愆過則

動無悔吝音義

吝力勿反

故襲天祿子孫賴之注襲受也

主之舉也近文德矣所及其遠哉注舉魏戊等勤施

無私也其四者擇善而從故曰近文德所及遠也音

義

近附近

疏

注正義曰成鱗引此詩者唯欲取克類克比二事同於文王故云近文德矣文

王以有此德故得施于子孫魏子既近文德亦將所及遠也

○賈辛將適其縣見

於魏子魏子曰辛未昔叔向適鄭醜蔑惡注惡貌醜

音義

融音子  
工反

欲觀叔向從使之收器者注從隨也隨

使人應歛俎豆者疏

正義曰下云叔向將飲酒將欲舉爵而飲此則飲酒未畢使者

擬收器耳  
未即收也

而往立於堂下一言而善叔向將飲酒聞

之曰必醜明也注素聞其賢故聞其言而知之疏

正義

曰舊說云一言者  
謂設由上徹由下

下執其手以上曰昔賈大夫惡注

賈國之大夫惡亦醜也音義

上時掌反  
下並注同

娶妻而美三

年不言不笑御以如臯注爲妻御之臯澤音義

娶七  
住反

爲于疏正義曰詩云鶴鳴于九臯是臯爲射雉獲之  
偽反疏澤也如徃也爲妻御車以徃澤也

其妻始笑而言賈大夫曰才之不可以已我不能射

女遂不言不笑夫今子少不颺注顏貌不揚顯音義

射雉食亦反女音汝下同夫音扶颺音揚

子若無言吾幾失子矣言不可

以已也如是遂如故知今女有功於王室吾是以舉

女注因賈辛有功而後舉之言人不可無能音義幾音

祈

疏正義曰遂如故舊相知

行乎敬之哉母墮乃力注墮損也

音義

母音無墮許規反

仲尼聞魏子之舉也以爲義曰近不

失親注謂舉魏戍遠不失舉注以賢舉可謂義矣又

聞其命賈辛也以爲忠注先賞王室之功故爲忠詩

曰永言配命自求多福忠也注詩大雅永長也言能

長配天命致多福者唯忠疏正義曰詩大雅文王之

之所爲配上天之命而行之是自求衆多之福使歸

已此詩之意言忠則然也言魏子能忠必有多福歸

之魏子之舉也義其命也忠其長有後於晉國乎○

冬梗陽人有獄魏戍不能斷以獄上注上魏子音義

斷丁亂反其大宗賂以女樂注訟者之大宗魏子將受之



魏戊謂閻沒女寬注二人魏子之屬大夫音義

閻以占反

曰主以不賄聞於諸侯若受梗陽人賄莫甚焉吾子必諫皆許諾退朝待於庭注魏子朝君退而待於魏

子之庭音義

聞如字又音問

饋入名之注名二大夫食音義

饋求位反

比置三歎既食使坐注更命之令坐音義

比必利反

令力呈反

魏子曰吾聞諸伯叔諺曰唯食忘憂吾子置食

之間三歎何也同辭而對曰或賜二小人酒不夕食注或他人也言飢甚饋之始至恐其不足是以歎中

置自咎曰豈將軍食之而有不足是以再歎注魏子

中軍將故謂之將軍音義

咎其九反食之音嗣帥所類反本又作率同

疏

注正義曰晉使卿爲軍將謂之將中軍將上軍此以魏子將中軍故呼爲將軍及六國以來遂以將軍爲官名蓋其元起於此及饋之畢願以小人之腹爲君子之心屬

厭而已注屬足也言小人之腹飽猶知厭足君子之

心亦宜然音義

屬之玉反注同厭於鹽反又於豔反注同

獻子辭梗陽人

注傳言魏氏所以興也

春秋左傳注疏卷五十二

春秋左氏傳注疏卷五十二考證

公至自齊居于鄆○蘇轍曰凡公行反而告廟則書至  
在外雖不告而書至所以存公也

臣召南

按此說較

疏所引賈逵之說爲勝季氏豈時時能以公至告廟  
乎此實聖人特筆所以示君臣之義也

公圍成○孫復曰公圍成書者見國內皆叛也

尹氏召伯毛伯以王子朝奔楚疏召伯逆王于尸○尸  
地名監本訛作戶今改正

傳處于鄆言魯地也○

臣召南

按諸侯於其境內皆可

言居書處于鄆所以別于三十年以後之書在乾侯也

傳師及齊師戰于炊鼻注非公命則不書○趙汸補注  
曰戰不書爲魯諱臣拒君也故齊師圍成特書公以  
見義

傳王次于滑疏襄十八年楚人伐鄭傳稱公子格率銳  
師侵費滑胥靡○

臣召南

按公子格之上似應有薦

子馮三字疏不應偏舉一人

傳王入于成周○吳澄曰王城曰東都蓋以鎬京爲周之西都相對而言也成周曰下都蓋以王城爲洛之上都相對而言也

傳晉師使成公般戍周而還○監本脫使字今添傳王入于莊宮注莊宮在王城○趙汭補注曰汪氏云敬王此時已入王城矣三十二年書城成周蓋入王城而勿居遂定都成周也

傳諸侯釋位以間王政疏周召二公二相行政○依周本紀應作周公召公二相行政

傳攜王奸命疏攜王爲晉文公所殺以本非適故稱攜王○臣召南按此晉文公乃文侯非重耳也

楚殺其大夫卻宛注故書名罪宛○臣召南按傳言卻宛之冤則宛無罪

傳使延州來季子聘于上國疏則上國之言不包晉矣○臣召南按吳謂中原諸國爲上國晉亦其一也

傳楚莠尹然工尹麋帥師救潛○疏既從定本作工尹  
則俗本作王尹非也前傳有工尹路即其明証今改  
正

傳乃辭小國而以難復○趙汭補注曰傳見諸侯皆欲  
納公晉卿貪故勿克

傳君亦不使一个辱在寡人○趙汭補注曰誚公先齊  
而後晉非謂不告

傳且三代之亡共子之廢皆是物也疏申人繒人召西

戎以伐周○繒監本訛作鄆今改正

傳非是莫喪羊舌氏矣○

臣召南

按祁氏羊舌氏之滅

晉之公族盡矣史記晉世家曰六卿欲弱公氏乃遂以法盡滅其族而分其邑爲十縣各令其子爲大夫晉益弱六卿皆大可謂直筆矣滅祁盈始於知躒知氏子孫卒見滅於趙魏韓孰謂無天道哉

傳知徐吾爲塗水大夫注徐吾知盈孫○孫監本訛作縣今改正



傳僚安爲楊氏大夫○楊監本訛作陳今改正

傳謂知徐吾趙朝韓固魏戍餘子之不失職能守業者

也○臣召南按十縣中而知趙韓魏之餘子居其四

則四卿之專晉國始於此矣

傳豈將軍食之而有不足疏及六國以來遂以將軍爲

官名蓋其元起於此○臣召南按漢書百官公卿表

云將軍秦官是未深考耳

春秋左氏傳注疏卷五十二考證

謹按第七頁前六行疏以刀擊也諸本並作謂以擊也據宋本改

第十頁後三行注周人流王于彘刊本于訛壬今改

第十二頁後七行疏為晉文侯所殺諸本侯訛公據宋本改

第十六頁前八行傳亦惟伯仲叔季圖之諸本伯仲訛作仲伯今改

第二十六頁前二行注擇取以進子常諸本取訛  
此據宋本改

第三十五頁後五行疏忿怒狼戾刊本狼訛狼今  
改

後六行疏謂狼戾也刊本狼訛狼今改


第三十八頁後三行疏宦卿之適以為公族諸本  
宦訛官據宋本及宣二年傳改

第四十頁後三行疏勤施之善耳諸本施訛心據

宋本改

第四十一頁後三行疏勤行施惠刊本勤訛動今  
改





覆校官編修臣項家達

校對官檢討臣郭寅

謄錄監生臣袁文宿

欽定四庫全書曾要

經部

春秋左傳注疏卷五十三



欽定四庫全書薈要卷一千一百六十九

經部

春秋左傳注疏卷五十三

起昭公二十九年盡三十二年

晉杜氏注

唐陸德明音義

孔穎達疏

經二十有九年春公至自乾侯居于鄆注以乾侯至不

得見晉侯故疏

注正義曰二十五年公孫于齊齊侯唁公于野井二十六年經書公至自齊公

雖不至齊都既入齊境得與齊侯相見故書公至自齊

往年公如晉次于乾侯雖入晉境不得與晉侯相見故

書至自乾侯以乾侯致告

齊侯使高張來唁公注唁公

於廟者為不得見晉侯故

至晉不見受高張高偃子音義

唁音疏注正義曰詩毛

宣二十五年公新失國齊侯唁公可矣於此復唁公者  
公以齊不憂已棄而適晉望得晉人矜之晉侯不肯見  
公齊侯心復恨公嫌公此舉故遣唁公所以嗤笑公  
也故云唁公至晉不見受又似更復失國故唁之

公如晉次于乾侯注復不見受往乾侯音義復扶  
又反

夏四月庚子叔詣卒注無傳

秋七月

冬十月鄆潰注無傳民逃其上曰潰潰散叛公音義潰  
戶潰

對疏注正義曰民逃其上曰潰文三年傳例也公自二  
反疏十六年以來常居于鄆此時公既如晉必留人守

鄆鄆人潰散而叛公使公不  
得更來當是季氏道之使然

傳二十九年春公至自乾侯處于鄆齊侯使高張來

唁公稱主君注比公於大夫疏

注正義曰傳稱范宣子撫荀偃云事吳敢

不如事主醫和謂趙文子曰主是謂矣如此之類大夫稱主傳文多矣今高張以齊侯之命稱公為主君以晉不受公故輕侮之比公於大夫也子家子曰齊卑君矣君祇辱焉

注言往事齊適取辱音義

祇音支

公如乾侯注為齊所

早故復適晉冀見恤音義

復扶又反

三月己卯京師殺

召伯盈尹氏固及原伯魯之子注皆子朝黨也稱伯

魯子終不說學音義

召上照反說音悅

尹固之復也注二十

八年尹固與子朝俱奔楚而道還疏

注正義曰尹固復還之年傳雖

不載以婦人尤之云其過三歲乎知以二十六年在此為三歲也

有婦人遇之

周郊尤之曰處則勸人為禍行則數日而反是夫也

其過三歲乎夏五月庚寅王子趙車入于鄆以叛陰

不佞敗之注趙車子朝之餘也見王殺伯盈等故叛

鄆周邑音義

數所主反鄆列勉反

平子每歲賈馬注賈買也

音義

賈古買反

具從者之衣履而歸之于乾侯公執歸馬

者賣之注賣其馬乃不歸馬衛侯來獻其乘馬曰啓

服注啓服馬名音義

乘如字

疏

注正義曰釋畜云馬前右足白啓郭璞曰左傳

曰啓服詩曰兩服上裏鄭玄云兩服中央夾轅者此馬毛色名啓公用以夾轅故以啓服為名也

塹

而死注隋塹死也音義

塹七豔反

公將為之櫨注為作棺

也音義

將為如字一音于偽反櫨徒木反為作于偽反下同

子家子曰從者病

矣請以食之乃以幃裏之注禮曰敝幃不棄為埋馬

也音義

食音似裏古火反

疏

注正義曰檀弓文也禮有埋馬之法子家子請以馬肉食從者

以公將為之櫨所以深抑之公感子家子之言方始依禮以帷裏之史記滑稽傳云楚莊王有所愛馬衣以文繡置之華屋之下席之以路牀啗之以棗脯馬病肥死欲以棺槨大夫禮葬之優孟者故楚之樂人

也多辯常以談笑風諫於是入門大笑王驚而問其故優孟曰馬者王之所愛也以楚國之大何求不得而以大夫禮葬之薄請以人君禮葬之王曰何如對曰臣請以雕玉為棺文梓為槨發甲卒為穿壙老弱負土廟食太牢奉以萬戶之邑諸侯聞之皆知大王賤人而貴馬也王曰寡人過一至於此為之奈何優孟曰請大王以六畜葬之以壙竈為槨銅歷為棺齊以薑桂薦以木蘭祭以粳稻衣以火光葬之人賜於是王乃使以馬屬大官無令天下聞之彼亦此之類也

公賜公衍羔裘使獻龍

輔於齊侯注龍輔玉名

疏

注正義曰周禮使澤國用龍節皆金也以英蕩輔之

杜子春云蕩謂以函器盛此節謂鑄金為龍以玉為函輔盛龍節謂之龍輔此獻函不獻節故直云獻龍輔玄卿云盛龍節之玉函耳案說文云龍禱早玉也為龍文又玉人云上公用龍今輔與龍連文故云龍

輔玉名蓋  
用此意

遂入羔裘齊侯喜與之陽穀注陽穀邑名

公衍公為之生也其母偕出注出之產舍疏

注正義曰內則

云妻將生子及月辰居側室夫使人日再問之作而自問之妻不敢見使姆衣服而對至于子生夫復使人日再問之夫齊則不入側室之門子生男子設弧於門左女子設悅於門右三日始負子男射女否然則產舍是側室也公衍先生公為之母曰相與偕出請相與

偕告注留公衍母使待己共白公三日公為生其母先以告公為為兄公私喜於陽穀而思於魯曰務人為此禍也注務人公為也始與公若謀逐季氏且後

生而為兄其誣也久矣乃黜之而以公衍為大子○

秋龍見于絳郊注絳晉國都音義

見賢通反下見魏龍朝夕見皆同

獻子問於蔡墨注蔡墨晉太史曰吾聞之蟲莫知於

龍以其不生得也謂之知信乎對曰人實不知非龍

實知注言龍無知乃人不知之耳音義

莫知音智下謂之知實知

注無疏正義曰人以龍不生得而謂之為知者此是知同疏人實不知非是龍實能知言龍可生得非是

不生得也故說古有養龍之事以證龍可生得也以人不知有此事故今說之古者畜龍故

國有豢龍氏有御龍氏注豢御養也音義

豢音患疏注



義曰服虔曰豢養也穀食曰豢御亦養也養馬曰圉  
禮養犬豕曰豢知其以穀養蓋龍亦食穀也御與圉

同言養龍猶獻子曰是二氏者吾亦聞之而不知其  
養馬故稱御

故是何謂也對曰昔有颺叔安注颺古國也叔安其

君名音義颺力有裔子曰董父注裔遠也玄孫之後

為裔音義裔以實甚好龍能求其耆欲以飲食之龍

多歸之乃擾畜龍以服事帝舜帝賜之姓曰董注擾

順也音義好呼報反耆時志反飲於鴿反下同食之

疏正義曰擾順也順龍氏曰豢龍注豢龍官名官有  
疏正義曰擾順也順龍氏曰豢龍注豢龍官名官有

世功則以官氏封諸驩川驩夷氏其後也注驩水上

夷皆董姓音義

驩子工反疏

注正義曰鄭語云黎為高辛氏火正命之曰祝融其後八

姓董姓驩夷豢龍則夏滅之矣是也

故帝舜氏世有畜龍及有夏孔甲

擾于有帝注孔甲少康之後九世君也其德能順於

天音義

夏戶雅反下皆同少詩照反下少皞同

疏

注正義曰帝王世紀云少康子帝杼杼子

帝芬芬子帝芒芒子帝世世子帝不降不降弟帝喬喬子帝廣也至帝孔甲孔甲不降子

帝賜之

乘龍河漢各二注合為四音義

乘繩證反河漢各二服云河漢各二乘

疏

注正義曰服虔云四頭為乘四乘十六頭也傳言賜之乘龍賜之一乘之龍也即云河漢各二是河

漢共一乘也又云各有雌雄是河漢之  
二皆一雌一雄也故杜以為合為四  
各有雌雄孔

甲不能食而未獲豢龍氏有陶唐氏既衰其後有劉

累注陶唐堯所治地音義

治直吏反

學擾龍于豢龍氏以

事孔甲能飲食之夏后嘉之賜氏曰御龍注夏后孔

甲以更豕韋之後注更代也以劉累代彭姓之豕韋

累尋遷魯縣豕韋復國至商而滅累之後世復承其

國為豕韋氏在襄二十四年音義

更音庚注同復扶又反

疏注

義曰傳言以更豕韋之後則豕韋是舊國廢其君以  
劉累代之鄭語云祝融之後八姓大彭豕韋為商伯

矣又云彭姓彭祖豕韋則商滅之矣如彼文豕韋之  
國至商乃滅於夏王孔甲之時彭姓豕韋未全滅也  
又下云劉累懼而遷于魯縣明是累遷之後豕韋復  
國至商乃滅耳裏二十四年傳范宣子自言其祖在  
夏為御龍氏在商為豕韋氏則劉累子孫復封豕韋  
杜跡其事知累之後世更復其國為豕韋氏也舊無  
此解杜自為證故云在裏二十四年龍一雌死潛醢以食夏后注潛藏

也藏以為醢明龍不知音義

醢音海  
知音智

夏后饗之既而

使求之注求致龍也懼而遷于魯縣注不能致龍故

懼遷魯縣自貶退也魯縣今魯陽也范氏其後也注

晉范氏也獻子曰今何故無之對曰夫物物有其官

官脩其方注方法術朝夕思之一日失職則死及之

注失職有罪音義

朝如字下朝夕見同

失官不食注不食祿官

宿其業注宿猶安也其物乃至注設水官脩則龍至

若泯棄之物乃坻伏注泯滅也坻止也音義

泯彌忍反坻音

旨又丁禮反

鬱湮不育注鬱滯也湮塞也育生也音義

湮音

因

疏正義曰此論致龍之事物謂龍也夫物物各有其官當謂如龍之輩蓋言鳳凰麒麟白虎元龜

之屬每物各有其官主掌之也其人居此官者脩其為官方術從朝至夕終日脩之若一日失其所掌之職令其官方不理則有死罪及之居官者當死矣失其官方則不得食祿得死罪是不食祿也居官則安

其為官之業使職事脩理則其所掌之物乃自生至水官脩則龍至其餘亦當然也若減棄所掌之事令職事不脩則其物乃止息而潛伏沉滯壅塞不復生育以此故不可生而得也正義曰夜宿所以安身故云宿猶安也謂安心思其職業服虔云宿思也今日當預思明日之事如家人宿火矣玄卿以服義大迂曲氓減也坻止也釋詁文也上言官宿其業其物乃至職業不脩則物不至物雖不至尚有物在若減棄所掌職事不理則其物止而潛伏不復生育乃令無有此物非徒不至而已鬱滯也湮塞也賈逵云然杜用之也鬱積是沈滯之意故為滯也傳謂塞井故為堙井是堙為塞也言此物沉滯壅塞不復生也故

有五行之官是謂五官實列受氏姓封為上公注爵

上公疏

正義曰列謂行列言五官皆然也人臣有大功者天子封為國君又賜之以姓諸侯以國

為氏言其得封又得姓兼受之也

祀為貴神社稷五祀是尊是奉注

五官之君長能脩其業者死皆配食於五行之神為

王者所尊奉晉義

長丁文反下文同

疏

注正義曰五官之君長死者皆為貴神王

者社稷五祀則尊奉之如祭配食於五行之神卽下重該脩熙皞是也王者祭木火土金水之神而以此人之神配之食非專祭此人也分五行以配四時故五行之神句芒祝融之徒皆以時物之狀而為之名此五者本為五行之神作名耳非與重該之徒為名也晉語云虢公夢在廟有神人面白毛虎爪執鉞立西阿公懼而走神曰無走帝命曰使晉襲于爾門公拜稽首覺召史噐占之對曰如君之言則蓐收也天之刑神也如彼文虢公所夢之狀必非該之貌自是金神之形耳由此言之知句芒祝融玄冥后土之徒

皆是木火水土之神名非所配人之神名也雖本非配人之名而配者與之同食亦得取彼神名以為配者神名猶社本土神之名稷本穀神之名配者亦得稱社稷也此五行之官配食五行之神天子制禮使祀焉是為王木正曰句芒注正官長也取木生句曲者所尊奉也

而有芒角也其祀重焉音義

句古侯反注及下皆疏同重直龍反下文同

注正義曰正訓為長故為官長木官之最長也其火金水土正亦然賈逵云總言萬物句芒非專木生如

句杜誤耳木正順春萬物始生句而有芒角杜獨言木者以木為其主故經云木正且木比萬物芒角為

甚故舉木而言劉炫以杜不取賈義而獨舉於木而規杜非也火正曰祝融注祝融

明貌其祀犂焉音義

犂力疏注正義曰杜不解祝則今反疏謂祝融二字共為明貌



也賈逵云夏陽氣明朗朗祝甚也融明也亦以夏氣為之名耳鄭語云黎為高辛氏火正以燁燿敷大光明四海故命之曰祝融如彼文又似由人生名者彼以其官掌夏德又稱之故以夏氣昭明命之耳

金

正曰蓐收注秋物摧蓐而可收也其祀該焉音義

蓐音

辱本又作辱摧徂回反

水正曰玄冥注水陰而幽冥其祀脩及

熙焉音義

冥亡丁反

土正曰后土注土為群物主故稱后

也其祀句龍焉在家則祀中雷在野則為社音義

雷力

救疏注正義曰后者君也羣物皆土所載故土為群反疏物之主以君言之故云后土也賈逵云句芒祀

於戶祝融祀於竈蓐收祀於門玄冥祀於井后土祀於中雷今杜云在家則祀中雷是同賈說也家謂宮

室之內對野為文故稱家非卿大夫之家也言在野者對家為文雖在庫門之內尚無宮室故稱野且卿大夫以下社在野田故周禮大司徒云辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社鄭玄云社稷后土及田正之神田主田神后土田正之所依也詩人謂之田祖所宜木謂若松栢栗也是在野則祭為社也此野田之社民所共祭即月令仲春之月擇元日命民社是也劉炫云天子以下俱荷地德皆當祭地但名位有高下祭之有等級天子祭地祭大地之神也諸侯不得祭地使之祭社也家又不得祭社使祭中雷也雷亦地神所祭小故變其名賈逵以句芒祀於五云云言雖天子之祭五神亦如此耳社以別祭五行神以五官配之非祀此五神於門戶井竈中雷也門戶井竈直祭門戶等神不祭句芒等也唯有祭后土者亦是土神故特辯之云在家則祀中雷在

野則為社言彼為中雷亦是土神但祭有大小郊特牲云社所以神地之道也地載萬物取財於地教民美報焉家主中雷而國主社示本也是在龍水物也家則祀中雷也大司徒以下同此禮也

水官棄矣故龍不生得注棄廢也疏

正義曰漢氏先儒說左氏者皆

以為五靈配五方龍屬木鳳屬火麟屬土白虎屬金神龜屬水其五行之次木生火火生土土生金金生水水生木王者脩其母則致其子水官脩則龍至木官脩則鳳至火官脩則麟至土官脩則白虎至金官脩則神龜至故為其說云視明禮脩而麟至思睿信立而白虎擾言從文成而神龜在沼聽聰知正而名川出龍貌共體仁則鳳凰來儀皆脩其母而致其子也鮮此龍水物者言龍為東方之獸是北方水官之物也水官廢矣故龍不生得言母不脩故子不至也杜氏既無其說未知與舊同否此下不注似與舊說

異或當以為龍是水內生長故為水官之物水官廢  
矣故龍不生得言水官不脩故無水內之靈獸也若  
如此解則上文物有其官當謂五靈之物各自有其  
官官能脩理各自致物龍是水內之物可令水官致  
龍其鳳凰麟虎之輩共在天地之間不是寢金食火  
木生土出未知何官致鳳何官致虎未測杜旨不可  
強言是用闕不然周易有之注言若不爾周易無緣  
疑以俟來哲

有龍在乾三三注乾下乾上乾音義

乾其連反本亦作乾

之姤

三三注巽下乾上姤乾初九變音義

姤古豆反

曰潛龍勿

用注乾初九爻辭音義

爻音交反

其同人三三注離下乾

上同人乾九二變曰見龍在田注乾九二爻辭其大

有三三注乾下離上大有乾九五變曰飛龍在天注

乾九五爻辭其夬三三注乾下兌上夬乾上九變音

義

夬古快反  
兌徒外反

曰亢龍有悔注乾上九爻辭音義

亢苦浪反

其坤三三注坤上坤下坤乾六爻皆變音義

坤本又作从空

門反

曰見群龍無首吉注乾用九爻辭坤之剝三三注

坤下艮上剝坤上六變音義

剝邦角反  
艮古恨反

曰龍戰于野

注坤上六爻辭疏

正義曰傳例上下雖不用筮但指此卦某爻之義者卽以某爻之變

更別為卦卽師之臨是也

云此卦之某卦則此乾之姤宣十二年劉炫云杜以之為適炫謂易之爻變則

成一卦遂以彼卦名爻乾之初九姤卦爻九二同人卦爻九五大者卦爻上九夬卦爻用九全變則成坤卦故謂用九為坤蔡墨此意取易文耳非揲蓍求卦安有之適之義若以之為之適則其非之適之意何以言其同人其大有此本當言初九九二但以爻變成卦即以彼卦名爻其意不取於之適所言其同人其大有猶引詩言其二章其三章先引初九故言乾卦之姤爻初九言乾以下不復須云乾故言其同人其大有就乾卦而其之其此同人爻其此大有爻以下文勢悉皆若是也巽下乾上姤乾之初九爻變而為姤卦也其彖曰姤遇也柔遇剛也乾為天為剛巽為風為柔風行必有所遇猶女行而遇男故名此卦為姤也蔡墨此言取易有龍字而已無取於易之義理故杜注唯指其辭之所在不辭其辭之意其說易者自具於此不復煩言也離下乾上同人乾之九二爻變而成同人之卦也其象曰天與火同人天體在

上火性炎上同于天也猶君設政教而臣民從之和  
同之義故名此卦為同人也服虔云天在上火炎上  
同於天天不可同故曰同人乾下離上大有乾之九  
五爻變而成大有之卦也其彖曰大有柔得尊位大  
中而上下應之曰大有柔得尊位謂六五也五位尊  
而柔居之處尊以柔居中以大體無二陰以分其應  
上下應之無所不納大有之義故名此卦為大有乾  
下兌下夬乾之上九爻變而成夬卦也其彖曰夬夬  
也剛決柔也此卦五陽而決一陰乾為天為剛為健  
兌為澤為柔為說以剛正決柔邪故名此卦為夬乾  
之六爻皆陽坤之六爻皆陰以二卦其爻既純故別  
總其用而為之辭故乾有用九坤有用六餘卦其爻  
不純無總用也六爻皆變乃得總用乾之六爻皆變  
則成坤卦故謂用九之辭為其坤也六爻既變而不  
用卦下之辭者周易用變卦下之辭非變又無龍文  
史墨指說於龍故以用為語坤下艮上剝坤之上六

爻變而成剝卦也其象曰剝剝也柔變剛也剝卦五陰而一陽陰漸長而滅陽猶邪長而剝損正道故名此卦為剝也若不朝夕見誰能物之注物謂上六爻之所

稱龍各不同也今說易者皆以龍喻陽氣如史墨之

言則為皆是真龍疏

正義曰蔡墨言古者龍可生得人皆見之故周易之辭以龍為

喻若使龍不朝夕出見誰能知其動靜而得以物名之易言潛龍飛龍及龍戰之等明是見其飛潛見其戰鬪而得以物名之是知獻子曰社稷五祀誰氏之龍可生得古人見龍形也

五官也注問五官之長皆是誰對曰少皞氏有四叔

注少皞金天氏音義

皞戶疏正義曰少皞氏有四叔老反疏四叔是少皞之子孫非



一時也未知於少皞遠近也四叔出於少皞耳其使  
重為句芒非少皞使之世族譜云少皞氏其官以鳥  
為名然則此五官皆在高陽之世也楚語云少皞氏  
之衰也九黎亂德民神雜糅不可方物顓頊受之乃  
命南正重司天以屬神命火正黎司地以屬民是則  
重黎居官在高陽之世也又鄭語云黎為高辛氏火  
正命之曰祝融則黎為祝融又在高辛氏之世案世  
本及楚世家云高陽生稱稱生卷章卷章生黎如彼  
文黎是顓頊之曾孫也楚語云少皞之衰顓頊受之  
即命重黎似是即位之初不應即得命曾孫為火正  
也少皞世代不知長短顓頊初已命黎至高辛又加  
命不應一人之身繇歷兩代事既久遠書復散亡如  
此參差難可考校世家云共工作亂帝嚳使黎誅之  
而不盡帝誅黎而以其弟吳回為黎復居火正為祝  
融即如此言黎或是國名官號不是人之名字顓頊  
命黎高辛命黎未必共是一人傳言世不失職二者

或是父子或是祖孫其事不可知也由此言之少皞四叔未必不有在高辛世者也此五祀者居官有功以功見祀不是一時之人脩熙相代為水正卽非一時也且傳言世不失職便是積世能官其功益大非是暫時有功遂得萬世承祀明是歷選上代取其中最有功者使之配食亦不知初以此人配食何代聖主為之蓋在高辛唐虞之世耳

曰重曰該曰脩曰熙實能金木及水

注能治其官音義

重直龍反該古咳反

使重為句芒注木正該

為蓐收注金正脩及熙為玄冥注二子相代為水正

世不失職遂濟窮桑此其三祀也注窮桑少皞之號

也四子能治其官使不失職濟成少皞之功死皆為

民所祀窮桑地在魯北

疏注正義曰窮桑少皞之號帝王世紀亦然賈逵云處

窮桑以登為帝故天下號之曰窮桑帝賈以濟為度

也言四叔子孫世不失職遂渡少皞之世杜以少皞

之世以鳥名官不得有木正火正故以濟為成四子

能治其官使不失職濟成少皞之功言少皞有王功

子孫能成之故死皆為民所祀也少皞居窮桑定四

年傳稱封伯禽於少皞之墟故云窮桑地在魯北土

地名窮桑闕言在魯北相傳云耳

顓頊氏有子曰黎為祝融注黎為

火正音義

顓音專頊許玉反

共工氏有子曰句龍為后土注

共工在太皞後神農前以水名官其子句龍能平水

土故死而見祀音義

共音恭疏注正義曰十七年傳鄭子言前世名官從下而

上先言炎帝以火名次言共工以水名次言太皞以龍名是共工在太皞後神農前以水名官者也祭法曰共工氏之霸九州也其子曰后土能平九州故祀以為社能平九州是能平水土也言共工有子謂後世子耳亦不知句龍之為后土在於何代此其二祀少皞氏既以鳥名官此當在顓頊以來耳

也后土為社注方答社稷故明言為社疏

注正義曰獻子問社

稷五祀既答五祀當更答社稷但句龍既為后土又亦配社蔡墨既答五祀方答社稷故明言后土為社也  
稷田正也注掌播殖也疏

正義曰月令云孟春行冬令則首種不入鄭玄

云首種謂稷也周語云宣王不籍千畝虢文公諫曰民之大事在農是故稷為大官然則百穀稷為其長遂以稷名為農官之長有烈山氏之子曰柱為稷注正長也稷是田官之長

烈山氏神農世諸侯音義

烈如字禮記作厲山疏正義曰魯語

烈山氏之有天下也其子能殖百穀故祀以為稷言  
有天下則是天子矣杜注不得為諸侯也賈逵鄭玄  
皆云烈山炎帝之號杜言神農世諸侯者案帝王世  
紀神農本起烈山然則初封烈山為諸侯後為天子  
猶帝堯初為唐侯然也若然烈山即神農而云神農  
世為諸侯者案世紀神農為君總有八世至榆罔而  
滅亦稱神農也是總號神農也故烈山氏得於神農  
之世為諸侯後為神農也劉炫以為烈山氏即神農  
非諸侯而規杜非也此及魯語皆云其子曰柱祭法  
曰農者劉炫云蓋柱人名其官曰農猶呼周棄為稷  
自夏以上祀之注祀柱音義

上總掌反

周棄亦為稷自商

以來祀之注棄周之始祖能播百穀湯既勝夏廢柱

而以棄代之傳言蔡墨之博物疏

注正義曰棄為周之始祖能播殖百

穀經傳備有其事以其後世有天下號國曰周故以周冠棄棄時未稱周也書序云湯既勝夏欲遷其社不可作夏社孔安國云湯承堯命禪代之後順天應人逆取順守而有慙德故革命創制改正易服變置社稷而後世無及句龍者故不可而止是言成湯變置社稷之由也湯於帝世年代猶近功之多少傳習可知故得量其優劣改易祀典意欲遷社而無及句龍棄功乃過於柱廢柱以棄為稷也其五祀之神重稷之輩若更有賢能亦應遷徙但其功莫之能先帝王不敢改易故得永流萬代常在祀典良由後世之意臣弱後王之意謙故也

○冬晉趙鞅荀寅帥師城汝濱注趙鞅

趙武孫也荀寅中行荀吳之子汝濱晉所取陸渾地

音義

濱音賓行  
戶即反

遂賦晉國一鼓鐵以鑄刑鼎注今晉

國各出功力共鼓石為鐵計令一鼓而足因軍役而

為之故言遂音義

鑄之樹反  
令力呈反  
疏注正義曰服虔云鼓  
量名也曲禮曰獻米

者操量鼓取晉國一鼓鐵以鑄之但禮之將命置重而執輕鼓可操之以將命即豆區之類非大器也唯用一鼓則不足以成鼎家賦一鼓而鐵又太多且金鐵之物當稱之以權衡數之以鈞石寧用量米之器量之哉故杜以為賦晉國者令民各出功力均賦取其功也冶石為鐵用橐扇火動橐謂之鼓今時俗語猶然令眾人鼓石為鐵計令一鼓使足故云賦晉國一鼓鐵也遂者因上生下之辭因城汝濱遂鑄刑鼎故言

遂也著范宣子所為刑書焉疏

正義曰范宣子制作刑書施於晉國自使

朝廷承用未嘗宣示下民今荀寅謂此等宣子之書可以長為國法故鑄鼎而銘之以示百姓猶如鄭鑄刑鼎仲尼譏之其意亦與叔何譏子產同仲尼曰晉其亡乎失其度矣夫

晉國將守唐叔之所受法度以經緯其民卿大夫以

序守之注序位次也民是以能尊其貴貴是以能守

其業貴賤不愆所謂度也疏

正義曰守其舊法民不豫知臨時制宜輕重難

測民是以能尊其貴畏其威刑也官有正法民常畏威貴是以能守其業保祿位也貴者執其權柄賤者畏其威嚴貴賤尊卑不愆此乃所謂度也言所謂法度正如此是也文公是以作執秩

之官為被廬之法注僖二十七年文公蒐被廬脩唐



叔之法音義

被皮義反廬力居反  
蒐本又作搜所求反

以為盟主今棄是

度也而為刑鼎民在鼎矣何以尊貴注棄禮徵書故

不尊貴貴何業之守注民不奉上則上失業貴賤無

序何以為國疏

正義曰今棄是貴賤常度而為刑書  
之鼎民知罪之輕重在於鼎矣貴者

斷獄不敢加增犯罪者取驗於書更復何以尊貴威  
權在鼎民不忌上貴復何業之守貴之所以為貴只  
為權勢在焉勢不足畏故業無可守貴無可守  
則賤不足畏貴賤既無次序何以得成為國且夫

宣子之刑夷之蒐也晉國之亂制也注范宣子所用

刑乃夷蒐之法也夷蒐在文六年一蒐而三易中軍

帥賈季箕鄭之徒遂作亂故曰亂制音義

帥所類反疏注

義曰於時晉侯將以士穀梁益耳將中軍先克曰狐趙之勲不可廢也以狐射姑將中軍趙盾佐之陽處父改蒐于董更以趙盾將中軍狐射姑佐之是一蒐而三易中軍帥三易者士穀梁益耳將中軍是易代前人是一易也狐射姑將中軍是二易也又趙盾將中軍是三易也致使賈季箕鄭之徒怨恨而作亂其事文公傳具矣因此蒐而有此亂故曰晉國之亂制若之何以為法蔡史墨曰

范氏中行氏其亡乎注蔡史墨即蔡墨中行寅為下卿而干上令擅作刑器以為國法是法姦也又加范氏焉易之亡也注范宣子刑書中既廢矣今復興之

是成其咎音義

檀市戰反復扶又反咎其久反

疏

正義曰宣子刑書久已廢矣今復變

易興之以成其滅亡也劉炫云范氏取菟之法以為國制雖則為非書已廢矣縱應有禍亡釁已歇今荀寅更述其事又加增范氏之惡焉范氏已欲免禍今復改易之而使亡

其及趙氏趙孟

與焉然不得已若德可以免注鑄刑鼎本非趙鞅意

不得已而從之若能脩德可以免禍為定十三年荀

寅士吉射入朝歌以叛音義

與音預朝如字

經三十年春王正月公在乾侯注釋不朝正于廟

夏六月庚辰晉侯去疾卒注未同盟而赴以名音義

去起

呂反

秋八月葬晉頃公注三月而葬速音義

頃音

疏

正義曰  
諡法慈

仁和民

曰頃

冬十有二月吳滅徐徐子章羽奔楚注徐子稱名以名

告也

傳三十年春王正月公在乾侯不先書鄆與乾侯非公且徵過也注徵明也二十七年二十八年公在鄆二十九年公在乾侯而經不釋朝正之禮者所以非

責公之妄且明過謬猶可掩故不顯書其所在使若  
在國然自是鄆人潰叛齊晉卑公子家忠謀終不能  
用內外棄之非復過誤所當掩塞故每歲書公所在

音義

徵直升反或本作懲誤復扶又反

疏

正義曰經書公在乾侯者季氏以此告廟釋公不得

朝正故國史書之于策也釋例曰昭公之孫每正月  
必書者以孫告廟也公二十五年始出居鄆及乾侯  
累歲居外而仲尼不書于經故傳曰不先書鄆與乾  
侯非公且徵過也既以非責公之妄且明過謬之可  
掩故不顯書其在外使若在國然也自三十年至於  
終沒則皆顯書其所在之地傳皆隨年而互言其事  
明罪之在公非復過謬也三代封建自上及下降殺  
以兩君不亢高臣不極卑彊弱相參眾力相須賢愚

相創故雖有昏亂之君亦有忠賢之輔我周東遷晉鄭是依無知之亂實獲小白驪姬之妖重耳以興天下雖瓦解而不土崩海內雖鼎沸而不益溢天生季氏以貳魯侯季氏未有篡奪之惡公雖失志亦無抽筋倒懸之急聽用隸豎僥倖倖之私既不能強又不能弱所以身死於外見貶於春秋也是言罪在公書公在之意也杜言見貶於春秋者公當在國治民每歲書公在外是其貶責公也劉炫云序云諸言不書皆仲尼新意然則前三年魯史皆書公在仲尼去之仲尼所以不於此先書公在鄆與乾侯者所以非公之妄妄伐季氏且明過謬猶可掩此年書者自是鄆人潰叛云云此年云非公且徵過三十一年云言不能外內三十二年云言不能外內又不能用其人每歲發傳言公之罪也注不先書鄆與乾侯一事之中有兩種之意一者非責公之妄一者明公過謬猶可掩也非責公之妄者以君舉必書公在乾侯與鄆臣子

當委曲詳錄今輕略不記似若不足可錄然所以非責公之妄也明公過謬猶可掩者被臣所逐出居於外若顯然書之則恥惡尤甚故隱而不書猶若在國欲明公過謬之失尚可容掩也此以徵為明明公過可掩也襄二十八年傳云王人來告喪問崩日以甲寅告故書之以徵過徵亦為明明告喪者之過也彼言徵審也審其事知無他故以明其過失也服虔云非公且徵過昭公無道久在外季氏非公不肯釋言公在某地春秋之義亦以不書徵季氏之過此年書者公不得入晉外內有困辱季氏閔而釋之所謂事君如在國案明年傳云言不能外內又明年傳云言不能外內又不能用其人皆是傳說經意非責昭公不是季氏非公也即如服言往前季氏非公不肯釋公所在此年以後方始閔而釋之所謂事君如在國則往年未釋之時不如在國矣二十七年扈之會范獻子何以已言季氏事君如在國也季氏奪公鄆邑

與公交戰行僨齊晉使不納公禱于煬官求君不入及其死也猶欲絕其北域加之惡諡閔公之事復安

在乎

○夏六月晉頃公卒秋八月葬鄭游吉弔且送葬

魏獻子使士景伯詰之曰悼公之喪子西弔子蟜送

葬注在襄十五年音義

詰起吉反蟜居表反

今吾子無貳何故

注弔喪共使音義

使所更反

對曰諸侯所以歸晉君禮也

禮也者小事大大字小之謂事大在共其時命注隨

時共所求音義

共音恭注及下同

字小在恤其所無以敝邑

居大國之間共其職貢與其備御不虞之患豈忘共



命注言不敢忘共命以所備御者多不及辦之音義

御魚呂反注  
同辦皮莧反

先王之制諸侯之喪士弔大夫送葬唯

嘉好聘享三軍之事於是乎使卿晉之喪事敝邑之

間先君有所助執紼矣注紼輓索也禮送喪必執紼

音義

好呼報反間音間下同紼音弗  
輓本又作晚音晚索悉各反

疏

注正義曰紼  
禮或作紼禮

記緇衣云王言如絲其出如綸王言如綸其出如紼

紼是大繩也周禮天子葬用六紼喪大記君葬用四

紼大夫葬用二紼紼為葬之所用是輓索也按禮雜

記諸侯執紼五百人太夫三百人鄭玄云天子蓋干

人也天子諸侯之喪殯於西序而屬紼焉備火災而

輓之也王制云喪三年不祭唯祭天地社稷為越紼

而行事謂喪在殯踰紼而行祭也周禮大司徒云大  
喪帥六鄉之眾庶屬其六引又遂人云大喪帥六遂  
之役屬六綽鄭玄喪大記注云在棺曰綽行道曰引  
至壙將窆又曰綽是綽引一物從所在而異名耳禮  
送喪必執紼曲禮文也鄭玄云葬喪之大事紼引車  
索也鄭之先君親送晉侯葬者傳無其文游吉今言  
之蓋亦嘗有矣若其不間雖士大夫有所不獲數矣注不得

如先王禮數大國之惠亦慶其加注慶善也謂善其

君自行而不討其乏明底其情注底致也音義底音

取備而已以為禮也疏

正義曰善其有加不討其乏  
明知鄭國致其情實取充備

而已靈王之喪注在襄二十九年我先君簡公在楚我

先大夫印段實往敝邑之少卿也注少年少也音義

印一刀反少疏正義曰由簡公在楚上卿守國故少詩照反注同疏卿行耳鄭玄以為簡公若在君當自

行其言非傳旨也王吏不討恤所無也今大夫曰女盍從舊

注盍何不也音義女音汝盍胡臘反下同舊有豐有省不知所

從從其豐則寡君幼弱是以不共從其省則吉在此

矣唯大夫圖之晉人不能詰注傳言大叔之敏音義

省所景反下同○吳子使徐人執掩餘使鍾吾人執燭庸注

二十七年奔故二公子奔楚楚子大封而定其徙注

大封與土田定其所徙之居使監馬尹大心逆吳公

子使居養注二子奔楚楚使逆之於竟也養卽所封

之邑音義監古銜反莠尹然左司馬沈尹戌城之注

城養音義莠音誘取於城父與胡田以與之注胡田故

胡子之地將以害吳也子西諫曰吳光新得國而親

其民視民如子辛苦同之將用之也若好吳邊疆使

柔服焉猶懼其至注柔服謂不與吳構怨音義若好

反吳一本作吾又彊其讎以重怒之無乃不可乎注

讎謂二公子音義

重直用反

吳周之胄裔也而棄在海濱

不與姬通今而始大比于諸華光又甚文將自同於

先王注先王謂大王王季亦自西戎始比諸華音義

胄直又反大王音泰

不知天將以為虐乎使翦喪吳國而封大

異姓乎其抑亦將卒以祚吳乎其終不遠矣注言其

事行可知不久音義

喪息浪反祚字故反

我盍姑億吾鬼神注

億安也音義

億於力反

而寧吾族姓以待其歸注善惡之

歸將焉用自播揚焉注播揚猶勞動也音義

焉於虔反播彼

我反又波  
賀反注同

王弗聽吳子恕冬十二月吳子執鍾吾子

遂伐徐防山以水之注防壅山水以灌徐音義

壅於勇反

灌古  
亂反

己卯滅徐徐子章禹斷其髮注斷髮自刑示懼

音義

斷丁管  
反注同

攜其夫人以逆吳子吳子唁而送之使

其邇臣從之遂奔楚楚注邇近也楚沈尹成帥師救徐

弗及遂城夷使徐子處之注夷城父也○吳子問於

伍員曰初而言伐楚注在二十年音義

員音云

余知其

可也而恕其使余往也又惡人之有余之功也今余

將自有之矣伐楚何如對曰楚執政眾而乖莫適任

患若為三師以肄焉注肄猶勞也音義

惡烏路反適丁歷反任音

壬肄本又作肆以制反下同

一師至彼必皆出彼出則歸彼歸則

出楚必道敝注罷敝於道音義

罷音皮下文同

亟肄以罷之

注亟數也音義

亟欺冀反數所角反

多方以誤之既罷而後以

三軍繼之必大克之闔廬從之楚於是乎始病注為

定四年吳入楚傳

經三十有一年春王正月公在乾侯

季孫意如會晉荀躒于適歷注適歷晉也音義

躒力狄反適丁

歷反

夏四月丁巳薛伯穀卒注襄二十五年盟重丘音義

重丘

龍疏注正義曰傳言同盟故書此穀與魯必嘗同盟矣反薛於重丘以前雖數與魯盟薛伯入春秋以來卒

葬不見經傳未知此穀以何年卽位故舉去今近者言之

晉侯使荀躒唁公子乾侯注將使意如迎公故荀躒來

唁

秋葬薛獻公注無傳



冬黑肱以濫來奔注黑肱邾大夫濫東海昌慮縣不書

邾史闕文音義

濫力甘反或力覽反慮音閭又如字

疏注正義曰公羊穀

而傳解其無邾之意言邾人以濫封此黑肱使為別國故不繫於邾以非天子所封故無子男爵號其言不可通於左氏左氏無傳明是闕文二傳見其文闕而妄為說耳

十有二月辛亥朔日有食之

傳三十一年春王正月公在乾侯言不能外內也注

公內不容於臣子外不容於齊晉所以久在乾侯○

晉侯將以師納公范獻子曰若召季孫而不來則信

不臣矣然後伐之若何晉人召季孫獻子使私焉曰

子必來我受其無咎注言我為子受無咎之任音義

咎其九反下注疏正義曰言我為子受其重任其  
放此為于偽反使子必無咎受其償故保任之季

孫意如會晉荀躒于適歷荀躒曰寡君使躒謂吾子

何故出君有君不事周有常刑子其圖之季孫練冠

麻衣跣行注示憂感音義出如字又勅律疏正義曰  
反跣素典反練冠蓋

如喪服斬衰既練之後布冠也麻衣當是布深衣也  
問喪云親始死徒跣跣行不屨以其不得事君示已

憂戚之深也伏而對曰事君臣之所不得也敢逃刑命注

言願事君君不肯還不敢辟罪君若以臣為有罪請

囚于費以待君之察也亦唯君若以先臣之故不絕

季氏而賜之死注雖賜以死不絕其後音義  
秘費音疏

正義曰此季孫探言罪已之意不絕季氏之祀或更立其子弟直賜其身死而已服虔云言賜不使死是為以死賜之若賜死即是不殺下句何須更言弗殺弗亡若弗殺弗亡君之惠也

死且不朽若得從君而歸則固臣之願也敢有異心

注君皆謂魯侯也蓋季孫探言罪已輕重以答荀躒

音義

探他南反

夏四月季孫從知伯如乾侯注知伯荀躒

音義

知音

子家子曰君與之歸一慙之不忍而終身

慙乎公曰諾眾曰在一言矣君必逐之注言晉既憂

君君一言使晉晉必逐之荀躒以晉侯之命唁公且

曰寡君使躒以君命討於意如意如不敢逃死君其

入也公曰君惠顧先君之好施及亡人將使歸冀除

宗祧以事君則不能見夫人已所能見夫人者有如

河注夫人謂季孫也言若見季孫已當受禍明如河

以自誓音義

好呼報反施以豉反祧他彫反夫音扶下及注同

荀躒掩耳而

走注怪公所言示不忍聽曰寡君其罪之恐敢與知

魯國之難注言恐獲不納君之罪今納而不入何敢

復知耶音義

與音預難乃旦反復扶又反

臣請復於寡君退而謂

季孫君怒未怠子姑歸祭注歸攝君事子家子曰君

以一乘入于魯師季孫必與君歸公欲從之衆從者

脅公不得歸注傳言君弱不得復自在音義

乘繩證反衆從

才用反

○薛伯穀卒同盟故書注謂書名也入春秋來

薛始書名故發傳經在荀躒唁公上傳在下者欲魯

事相次○秋吳人侵楚伐夷侵潛六注皆楚邑楚沈  
尹戌帥師救潛吳師還楚師遷潛於南岡而還吳師  
圍弦左司馬戌右司馬稽帥師救弦及豫章注左司  
馬沈尹戌音義

稽音啓又古今反

吳師還始用子胥之謀也

注謀在前年○冬邾黑肱以濫來奔賤而書名重地  
故也注黑肱非命卿故曰賤君子曰名之不可不慎  
也如是注是黑肱也夫有所名而不如其已注有  
所謂有地也言雖有名不如無名已止也以地叛雖

賤必書地以名其人終為不義弗可滅已是故君子

動則思禮行則思義不為利回注回正心也音義不為

于偽反下不為義疚注疚病也見義則為之音義疚反

又反或求名而不得或欲蓋而名章懲不義也齊豹為

衛司寇守嗣大夫注守先人嗣言其尊音義懲直升反下同

作而不義其書為盜注求名而不得也二十年豹殺

衛侯兄欲求不畏疆禦之名邾庶其注在襄二十二

年莒牟夷注在五年邾黑肱以土地出求食而已不

求其名賤而必書注春秋叛者多唯取三人來適魯

者三人皆小國大夫故曰賤此二物者所以懲肆而

去貪也注物事也肆放也齊豹書盜懲肆也三叛人

名去貪也音義

去起呂反

若艱難其身注身為艱難以險

危大人注大人在位者而有名章徹注謂得勇名攻

難之士將奔走之注攻猶作也奔走猶赴趣也音義

難乃旦反

若竊邑叛君以徼大利而無名注謂不書其人

名音義

徼古堯反

貪冒之民將寘力焉注盡力為之不顧



於見書音義

冒亡北反又亡報反寘之鼓反

是以春秋書齊豹曰盜

三叛人名以懲不義數惡無禮其善志也注無禮惡

逆皆數而不忘記事之善者也音義

數所主反注同

故曰春

秋之稱微而顯注文微而義著音義

稱尺證反

婉而辨注

辭婉而旨別音義

婉於阮反別彼列反疏

正義曰此婉而辨則與微而顯其意一也

故杜云辭婉而旨別辭婉則文微也旨別則義顯也  
上句微而顯者據文雖微隱而義理顯著下句婉而

辨者辭雖婉順相似而旨意有殊故重起其文也此  
與成十四年婉而成章其事異也彼謂諱君惡與此

不同也

上之人能使昭明注上之人謂在位者在位者

能行其法非賤人所能善人勸焉淫人懼焉是以君

子貴之○十二月辛亥朔日有食之是夜也趙簡子

夢童子羸而轉以歌注轉婉轉也音義

羸本又作裸力果反

旦

占諸史墨曰吾夢如是今而日食何也注簡子夢適

與日食會謂咎在己故問之對曰六年及此月也吳

其入郢乎終亦弗克注史墨知夢非日食之應故釋

日食之咎而不釋其夢音義

郢以井反又羊政反應應對之應

入郢

必以庚辰注庚日有變日在辰尾故曰以庚辰定四

年十一月庚辰吳入郢疏

注正義曰於天文房心尾為大辰尾是辰後之星也

日在辰尾自謂在辰星庚辰入郢乃謂日是辰日二辰不同而以日在辰尾配庚為庚辰昔二辰實雖不同而同名曰辰以其名同故取以為占此則史墨能知非是人情所測定四年十一月庚辰吳入郢是其言之驗也此十二月日食彼十一月入郢則是未復其月而云及此月者長歷定四年閏十月庚辰吳入郢是十一月二十九日杜云昭二十一年傳曰六年十二月庚辰吳入郢今十一月者并閏數也然則彼是新閏之後且十一月二十九日又其月垂盡故得為及此月也

日月在辰尾注辰

尾龍尾也周十二月今之十月日月合朔於辰尾而

食疏

注正義曰東方七宿角亢氐房心尾箕共為蒼龍之體南首北尾角即龍角尾即龍尾釋天云

大辰房心尾也是房心與尾共為大辰故言辰星龍尾也周十二月今之十月月令孟冬之月日在尾是此時日月合朔於庚午之日始有謫火勝金故弗辰尾而日食也

克注謫變氣也庚午十月十九日去辛亥朔四十一

日雖食在辛亥更以始變為占也午南方楚之位也

午火庚金也日以庚午有變故災在楚楚之仇敵唯

吳故知入郢必吳火勝金者金為火妃食在辛亥亥

水也水數六故六年也音義

謫直疏注正義曰昏義革反云陽事不得適

見於天日為之食謫譴責也人有咎責氣見於天故謫為變氣也長歷此年十月壬子朔故庚午是十月

十九日也從庚午下去十二月辛亥朔為四十一日  
雖食在辛亥之日而更以庚午為占舍近而取遠自  
是史墨所見其意不可知也午為南方之辰楚是南  
方之國故午為楚之位也午是南方之辰火也庚是  
西方之日金也日以庚午有變午在南方必南方之  
國當其咎故災在楚楚之仇敵唯有吳耳故知入郢  
必是吳也其日庚午庚金午火五行相尅火勝金金  
以畏火之故金為火妃夫妻相得而彊是楚彊盛之  
兆雖被吳入必不亡國故知吳入郢終亦弗克言其  
不能滅楚也食在辛亥之日亥在北方水位也北方  
水數六故曰六  
年吳入郢也

經三十有二年春王正月公在乾侯取闕注無傳公別

居乾侯遣人誘闕而取之不用師徒音義闕口疏正義

暫反曰公

羊傳曰闕者何邾婁之邑也案傳定元年將葬昭公季孫使役如闕公氏將溝焉則闕是魯公葬地非是邾邑公羊不可通於左氏也土地名東平須昌縣東南有闕城是也賈逵云昭公得闕季氏奪之不因師徒謂此取闕為季氏取於公也案檢經傳公自出奔以來唯齊侯取鄆以居公耳未有公取闕之處安得取於公也且若是季氏奪公無由得告廟書經故杜以為公取之也四年傳例曰凡克邑不用師徒曰取知公遣人誘而取之不用師徒也

# 夏吳伐越

秋七月

冬仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周注世叔申世

叔儀孫也國參子產之子不書盟時公在外未及告公

公已薨音義

參七疏

注正義曰傳稱晉魏舒合諸侯之大夫于狄泉尋盟今城成周則此

時為盟矣而不書盟者賈逵云魯有昭公難故會而不盟案傳文無魯人辭盟之事其城成周又魯人共城之矣何以言會而不盟也若以難辭當辭不會身既在會何敢辭豈以昭公在外而欲背盟乎故杜以為不書盟者時公在外未及告公而公已薨既不得告公故不書於經也案傳尋盟今城成周則盟在城前猶得書城而盟不書者晉合諸侯大夫本以城事召之孟懿子將從晉命即以告公雖會還乃書而已告公訖故得書之其尋盟之事晉不預今諸侯大夫既集晉始發意尋盟之事未嘗告公故行還不得書也此云城成周者實未城

也晉人始計功庸賦丈數以令諸侯耳明年傳稱正月  
庚寅載三旬而畢是明年始城也此未城而已書城知  
本以城事召集  
因集而書城耳

十有二月己未公薨于乾侯注十五日疏

注正義曰傳言十一月令

城成周雖無某日明年乃始城之當在月之將末杜顯  
言此十五日者言盟去公薨日近以明未及告意也

傳三十二年春王正月公在乾侯言不能外內又不

能用其人也注其人謂子家羈也言公不能用其人

故於今猶在乾侯○夏吳伐越始用師於越也注自

此之前雖疆事小爭未嘗用大兵音義

疆居良反爭爭鬪之爭



史墨曰不及四十年越其有吳乎注存亡之數不過  
三紀歲星三周三十六歲故曰不及四十年哀二十  
二年越滅吳至此三十八歲越得歲而吳伐之必受  
其兇注此年歲在星紀星紀吳越之分也歲星所在

其國有福吳先用兵故反受其殃音義

分扶問反  
殃於良反疏

注正義曰十一年傳稱莒弘對景王云歲在豕韋言  
十一年歲星在豕韋也又曰歲在大梁蔡復楚凶謂  
十三年歲星在大梁也十三年距此十九年耳歲星  
歲行一次十二年而行天一周則二十五年復在大  
梁從彼而歷數之則此年始至析木之津而此年數  
在星紀者歲行一次舉大數耳其實一歲之行有餘

一次故劉歆三統之術以為歲星一百四十四年行  
 天一百四十五次計一千七百二十八為歲星歲  
 數言數滿此年剩得行天一周三統之歷以庚戌為  
 上元從上元至襄二十八年積十四萬二千六百八  
 十六歲置此歲數以歲星歲數一千七百二十八除  
 之得積終八十二去之歲餘九百九十以一百四十  
 五乘歲餘得十四萬三千五百五十一以一百四十四  
 除之得九百九十六為積次不盡一百二十六為次  
 餘從襄二十八年至昭十五年合有一十八年歲星  
 年行一次年有一餘以次加次得一千一十四以餘  
 加餘得一百四十四餘數滿法又成一次以從積次  
 得一千一十五也以十二去之餘餘次一百四十四  
 周七今一百四十四年還得剩行天一周也餘七命  
 起星紀算外得鶉火是昭十五年歲星在鶉火也計  
 十三年在大梁十五年當在鶉首而在鶉火者由其  
 餘分數滿剩得一次猶如閏餘滿而成月也以十五

年歲在鶉火歷而數之則二十七年復在鶉火故此  
年在星紀也於十二次分野星紀是吳越之分也歲  
星是天之貴神所在之次其國有福今越得歲星故  
吳伐之則凶也吳越同分而云越福吳凶者以吳先  
用兵故反受其殃賈逵云然杜從之也鄭玄云天文  
分野斗主吳牽牛主越此是歲星在牽牛故吳伐之  
凶案史傳所云吳越同分不言於次之內更復分星  
姜氏任氏共守玄枵復以何星主齊何星主薛也且  
據三統之術星紀之初斗十二度至於牽牛初度乃  
為牛耳十五年餘分始滿則此年之初歲星初入此  
次伐越在夏未得已至辛  
牛鄭之此說為妄之甚也 ○秋八月王使富辛與石

張如晉請城成周注子朝之亂其餘黨多在王城敬

王畏之徙都成周成周狹小故請城之音義

狹音洽天

子曰天降禍于周俾我兄弟並有亂心以為伯父憂

注俾使也兄弟謂子朝也伯父謂晉侯音義

俾本又作早同

必爾反注同

我一二親昵甥舅不皇啓處於今十年注謂

二十三年二師圍郊至于今音義

昵女反

勤戍五年注

謂二十八年晉籍秦致諸侯之戍至于今疏

注正義曰案二

十七年十二月晉籍秦致諸侯之戍于周而此杜云

二十八年者以十二月垂盡去在十二月至周則在

二十八年故云五年也

余一人無日忘之注念諸侯勞閔閔焉

如農夫之望歲懼以待時注閔閔憂貌王憂亂常閔

閔冀望安定如農夫之憂飢冀望來歲之將熟伯父

若肆大惠復二文之業弛周室之憂注肆展放也二

文謂文侯仇文公重耳弛猶解也音義

弛式氏反注同重直龍反

徵文武之福以固盟主宣昭令名則余一人有大願

矣昔成王合諸侯城成周以為東都崇文德焉注作

城周遷殷民以為京師之東都所以崇文王之德音

義

徵古堯疏注正義曰杜知作成周為崇文王之德反下同疏者以上傳云徵文武之福即云成王合

諸侯城成周以崇文德故以為崇文王之德劉炫以為崇文王之教而規杜非也

今我欲徵

福假靈于成王脩成周之城俾成人無勤諸侯用寧

螫賊遠屏晉之力也注螫賊喻災害音義  
螫亡疏注

義曰螫賊食苗之蟲釋蟲云食根  
螫食節賊故以螫賊喻災害也其委之伯父使伯

父實重圖之俾我一人無徵怨于百姓注徵召也音

義

徵張升反

而伯父有榮施先王庸之注庸功也先王之

靈以為大功音義

施式敗反

范獻子謂魏獻子曰與其成

周不如城之天子實云注云欲罷成而城雖有後事

晉勿與知可也從王命以紓諸侯晉國無憂是之不

務而又焉從事魏獻子曰善使伯音對注伯音韓不

信音義

勿與音預舒音舒馬於虔反

曰天子有命敢不奉承以奔

告於諸侯遲速衰序注衰差也序次也音義

衰初危反注同

於是焉在注在周所命○冬十一月晉魏舒韓不信

如京師合諸侯之大夫于狄泉尋盟且令城成周注

尋平丘盟魏子南面注居君位衛彪僖曰魏子必有

大咎干位以令大事非其任也注彪僖魏大夫音義

彪彼蚪反僖音兮咎其久反

詩曰敬天之怒不敢戲豫敬天之渝

不敢馳驅注詩大雅戒王者言當敬畏天之譴怒不

可遊戲逸豫馳驅自恣渝變也音義

渝羊朱反疏注譴棄戰反正

義曰此詩大雅板之篇刺厲王之詩也詩注以天謂厲王此據上天斷章取意

况敢干位以

作大事乎已丑士彌牟營成周計文數注計所當城

之文數也疏

注正義曰謂周迴遠近之文數也知音下別云揣高卑度厚薄故也

揣高

卑注度高曰揣音義

揣丁果反又初委反度待洛反下文及注同

度厚薄

仞溝洫注度深曰仞音義

仞本又作刃而慎反洫况域反

物土方議

遠邇注物相也相取土之方面遠近之宜音義

相息亮反



下量事期注知事幾時畢音義

幾居豈反下皆同

計徒庸注

知用幾人功慮財用注知費幾財用音義

費芳貴反

書餼

糧注知用幾糧食音義

餼音侯本亦作糲糧音良

以令役於諸侯

屬役賦文注付所當城尺大音義

屬之欲反

疏正義曰屬

下役也賦文謂課付尺大上既號令下役之事以告諸侯令諸國各出若干之役築若干之丈故云屬

役賦文書以授帥也

書以授帥注帥諸侯之大夫音義

帥所類反注同

而效諸劉子注效致也音義

效戶孝反

韓簡子臨之以為

成命注臨履其事以命諸侯經所以不書魏舒○十

二月公疾徧賜大夫注從公者音義

徧音遍從才用反下同

大

夫不受賜子家子雙琥注琥玉器音義

琥音虎

疏注正義曰

周禮大宗伯云以玉作六器以禮天地四方白琥禮西方鄭玄云虎猛象秋嚴禮經及記言琥多矣都不

說其狀蓋刻

玉為虎形也

一環一璧輕服注細好之服疏

正義曰釋器云

肉倍好謂之璧肉好若一謂之環李巡曰肉倍好璧邊肉大其孔小也肉好若一其孔及邊肉大小適等

曰環也

受之大夫皆受其賜已未公薨子家子反賜於

府人曰吾不敢逆君命也大夫皆反其賜書曰公薨

于乾侯言失其所也注不薨路寢為失所○趙簡子

問於史墨曰季氏出其君而民服焉諸侯與之君死  
於外而莫之或罪也對曰物生有兩有三有五有陪  
貳故天有三辰注謂有三音義陪蒲回反地有五行注謂  
有五體有左右注謂有兩各有妃耦注謂陪貳音義

妃音配

王有公諸侯有卿皆有貳也天生季氏以貳魯

侯為日久矣民之服焉不亦宜乎魯君世從其失季  
氏世脩其勤民忘君矣雖死於外其誰矜之社稷無

常奉注奉之無常人言唯德也音義

從子用反本亦作縱

君臣

無常位自古以然注史墨跡古今以實言故詩曰高

岸為谷深谷為陵注詩小雅言高下有變易疏

正義曰詩

小雅十月之交大夫刺幽王也

三后之姓於今為庶主所知也注三

后虞夏商疏

注正義曰從周而上故數此三代三代子孫自有為國君者言其賤者為庶人

也在易卦雷乘乾曰大壯 **䷡** 注乾下震上大壯震

在乾上故曰雷乘乾疏

正義曰乾為天為剛震為雷為動天以剛而動動則為雷

壯之大者故曰大壯

天之道也注乾為天子震為諸侯而在上

君臣易位猶臣大強壯若天上有雷疏

注正義曰說卦乾為天為

君君之極尊者是天子也震為長子其卦云震驚百里聲達百里之內而有震曜之威是諸侯而在天子之上象如君臣易位是天之道也昔成季友桓之季也文姜之愛子

也始震而卜卜人謁之曰生有嘉聞嘉名聞於世

音義

始震如字一音身聞音問

疏

正義曰震動也懷妊始動知有震娠而即卜也

其名曰

友為公室輔及生如卜人之言有文在其手曰友遂

以名之既而有大功於魯注立僖公音義

名之音武政反

受

費以為上卿至於文子武子注文子行父武子宿音

義

費音秘

世增其業不廢舊績魯文公薨而東門遂殺

適立庶魯君於是乎失國注失國權音義  
適丁政在歷反

季氏於此君也四公矣民不知君何以得國是以為

君慎器與名不可以假人注器車服名爵號  
疏曰器正義

謂車服也名謂爵號也借人名器則君失位矣故不可以假人也言魯君失民是借季氏以權柄故令昭公至此出外因以戒人君使懲創也

春秋左傳注疏卷五十三

春秋左氏傳注疏卷五十三考證

傳及有夏孔甲擾于有帝疏杼子帝芬芬子帝芒芒子

帝世世子帝不降不降弟帝喬喬子帝廣也○

臣召

南

按此疏据帝王世紀也若夏本紀少康子帝宁卽

世紀之帝杼杼子槐不作帝芬芒子帝泄不作帝世  
不降弟帝扁不作帝喬扁子帝廩不作帝廣卽金履  
祥前編亦依史記也

傳帝賜之乘龍河漢各二注合為四○

臣召南

按夏本

紀言天降龍二有雌雄當是用此傳而忘其為各二耳

傳以更豕韋之後○

臣召南

按夏本紀作受豕韋之後

集解引賈逵曰劉累之後至商不絕以代豕韋之後  
祝融之後封于豕韋殷武丁滅之

傳周易有之疏九二同人卦爻九五大有卦爻○監本  
脫二卦字以上文乾之初九姤卦爻下文上九夬卦  
爻例之則此二句應有卦字今添



傳若不朝夕見誰能物之○

臣照

按左氏之為傳信以

傳信疑以傳疑皆以紀事左氏不着一語也如此傳  
參龍語極荒唐蓋太史墨離夏孔甲千年得諸傳聞  
而不知惟不能生得之謂龍惟不能生得故易于乾  
取象于龍乃述所聞于魏獻子左氏記之謂當時賢  
士大夫而其言龐猶如此耳

傳世不失職遂濟窮桑疏杜以少皞之世以鳥名官不

得有木正火正○

臣召南

按如杜說則木正等官皆

在顓頊之世與郟子所言顓頊以下命以民事者合  
傳有烈山氏之子曰柱為稷疏後為農神也○監本訛  
作為神農也今改正

又疏蓋柱人名○人監本訛作地今改正

春王正月公在乾侯○

臣召南

按此聖人特筆注但作

釋不朝正于廟非也劉敞曰以存公也公居于鄆有  
魯也在乾侯無魯也公雖無魯魯不可無公也

傳非公且徵過也○

臣召南

按左氏不知君臣大義宜

為公羊家所排夫昭公無道失國何待經書所在而  
後見乎不言經嚴名義以警亂臣但言非公徵過謬  
矣杜注孔疏抑又甚焉趙汭補注曰鄆在境內故以  
書至書居為義乾侯晉地故書所在見公出在外也  
季孫意如會晉荀躒于適歷○陸淳曰季孫逐君之臣  
也晉不罪之而反為會晉侯之為盟主可知矣荀躒  
之為人臣可知矣王應麟曰列國大夫之無君晉為  
之也會于戚而不討孫林父會于夷儀而不討崔杼

會于適歷而不討意如君臣之義不明而大夫篡奪之禍晉自及矣

晉侯使荀躒唁公于乾侯○陸淳曰乾侯晉地故不言來唁

黑肱以濫來奔注不書邾史闕文○臣浩按公羊穀梁解不言邾之意不如杜注直截

傳入郢必以庚辰注庚午有變日在辰尾○臣召南按

監本作庚辰有變誤也杜言史墨所以能知入郢必

是庚辰日者以今年日變始于庚午則後之入郢必  
以庚日干也今年日變在辰尾則後之入郢必以辰  
日支也

傳越得歲而吳伐之疏斗十二度至于牽牛初度乃為  
牛耳○監本訛作乃為申耳今改正

傳昔成王合諸侯城成周以為東都崇文德焉注所以  
崇文王之德○臣召南按東都之作專為朝會則崇

文德乃對武功言不必曰崇文王之德也

傳天生季氏以貳魯侯○王應麟困學紀聞曰簡子在

晉猶季氏在魯也史墨之對何其悖哉張睢陽責令

狐潮曰未識人倫焉知天道

臣照

按左氏記史墨之

對猶後代列史記亂臣之言耳而後世必欲以此等

為左氏罪

傳是以為君慎器與名不可以假人○趙汭補注曰史

墨對趙簡子與襄十四年師曠對晉侯皆釋君助臣

阿附强家所謂社稷無常奉君臣無常位乃黨逆附

篡之辭不可為訓


臣照

按史墨對趙簡子言簡子臣

也則為黨逆附篡師曠對晉侯言則為納忠陳善之  
語趙氏混而一之失其旨矣







覆校官編修臣項家達

校對官檢討臣郭寅

謄錄監生臣袁文宿